

Barcode : 4990010016253
Title - Dhuper Dhoyay Ed.1
Author - Dutta,Satyendranath
Language - sanskrit
Pages - 116
Publication Year - 1929
Barcode EAN.UCC-13



ସୂକ୍ଷ୍ମା ଶୈଳୀ

শূন্যର ଦୈବୀୟା

(নাটিকা)

সত্যেন্দ্রনাথ দত্ত

২

আর্য্য সাহিত্য ভবন
কলেজ ষ্ট্রীট মার্কেট, কলিকাতা
১৩৩৬

প্রকাশক
শ্রীবারিদকান্তি বসু

প্রথম সংস্করণ
শ্রাবণ, ১৩৩৬

দাম পাঁচ সিকে]

প্রিন্টার—শ্রীশান্তকুমার চট্টোপাধ্যায়
বাণী প্রেস
৩৩এ মদন মিত্র লেন, কলিকাতা

নাট্যোক্ত চরিত্র

সীতা

উষ্মিলা

মাণ্ডবী

শ্রুতকীর্তি

—অযোধ্যার রাজবধূ

কুরঙ্গিকা

বিহঙ্গিকা

চঞ্চরীকা

নকুলিকা

—রাজবধূদের প্রধান প্রধান সহচরা

তন্দ্রাবুড়ী

(ওরফে চন্দ্রাবলী)

—সুমিত্রার দাসী

বেত্রবতী

—প্রতিহারিণী

মালিনী, শবরী, ভাগমতী, যবনী শাস্ত্রী ।

তরঙ্গিকা
নিপুণিকা
বল্লরীকা

পতঙ্গিকা
সুপর্ণিকা
কপোতিকা
সাগরিকা
আরাট্রিকা
মদনিকা

—পূরবাসিনী তরুণী

দাসী, মালী, চামরধারিণী, করকবাহিনী, সখীর দল,
বধূনাট্যের দল, যবনীর দল ।


এই নাটিকায় রাজবধূদের মাথায় স্বস্তি-মুকুট ;
পরনে তিল-ফুল বুটিদার ও ভোমরা বুটিদার ও
ভাণ্ডীর বুটিদার জরির তেরুছা ডুরে । কাণে কর্ণিকা ;
হাতে ‘ঘবাস্কুরী’ নামক উৎসর্গী কঙ্কন ; গলার মুক্তার
শতাবলী হার ; কোমরে কাঞ্চী ; পায়ে ‘ভ্রমরী’ নূপুর ।

প্রধান সহচরীদের মাথায় মুক্তার সীমন্তিকা ;
পরনে জরির তেরুছা ডুরে, বুটি নাই । কাণে ‘তাল-
পত্রী’ ; হাতে তালী কঙ্কন ; পায়ে ‘গুঞ্জরী’ নূপুর ।

তরুণীদের মাথায় মুক্তার একাবলী ; পরনে
বাসন্তী রঙের শাড়ী । কাণে চাঁপা ; হাতে গুঞ্জাবলী
কঙ্কণ ; পায়ে নূপুর ; গারে ফুলের গহনা ।

বধূনাট্যের কারো মাথায় চাঁপাই-চূড়ো, কারো
জোড়-চামর-খোঁপা, কারো ত্রিধন্বিল, কারো চতুঃশৃঙ্গ,
কারো পঞ্চফণা ।

বেশবতী ও ঘবনীদের গায়ে কঙ্ক ; কাণে কুণ্ডল ।



ধূপের ধোঁয়ায়

প্রথম অঙ্ক

প্রথম দৃশ্য

[অযোধ্যার রাজপ্রাসাদ, শ্রুতকীর্তির আরাম-ঘর । হাতীর দাঁতের পালঙ্কে অর্দ্ধশয়ান মুক্তকেশী শ্রুতকীর্তি ; প্রধান সহচরী নকুলিকা তাঁর মুক্তকেশে ধূপের ধোঁয়া দিচ্ছে । সখীর দল ইতস্তত ছড়িয়ে আছে ; এদের কারো হাতে চামর, কারো হাতে পদ্মপাতা ; কারো বা ধূপদানী, আবার কারো বা মৃণালের মালা ।]

সখীর দল ॥ (গাইছে)

গায়ে সই সইবে না রোদ

শুকিয়ে নে চুল ধূপদানীতে !

ধূপের ধোঁয়ায়

জোছনা নিছিয়ে-নেওয়া

নিছনি তোর মুখখানিতে !

ছপুরে দারুণ রোদে

সারীশুক নয়ন মোদে,

হরিণী হারায় দিশা

মরীচিকার হাত-ছানিতে !

ঝাঁঝি সব ঝাঁঝিয়ে গেছে

সায়রে জলের মাঝে,

ঝাঁঝা রোদ মাথার 'পরে

মগজে ঝাঁঝর বাজে !

ধেয়ে যায় হলুকা হাওয়া

হ'ল দায় আরাম পাওয়া

বসুধার বুকের সুধা

ফুরায় রোদের বালাই নিতে !

পলাশের চক্ষু রাঙা

ভ্রমরী ভিস্মি গেছে,

ছনিয়ার শুকনো পাতায়

খামোকাই ঘুর লেগেছে !

ধূপের ধোঁয়ায়

সারঙের সুর নেমে যায়,
পাপিয়ার তান গেমে যায়,
আকাশের শান্ ঘেমে যায়
চাতক পংখীর কাৎরানিতে !

উশীরের গুচ্ছ কোথা ?
মৃণালের কইরে মালা ?
ঘিরে দে পদ্মপাতায়,—
বাতাসে বিষের জ্বালা ।
দিনে রাত ঘনিয়ে আনো,—
ঘরে আজ চুল শুকানো,—
চামরে ঢুলিয়ে নয়ন
ধূপের ধোয়ঁার আমদানীতে ॥

শ্রুতকীর্তি ॥ (চোখ রগ্‌ড়াতে রগ্‌ড়াতে) তোর ধূপদানী সরিয়ে-নে,
নকুলিকা,.....কত ধোয়ঁা কল্লি ছাথ্ দেখি, মাথা-ধ'রে
গেল ।

নকুলিকা ॥ চুল কিন্তু ভিজ়ে রয়েছে.....

শ্রুতকীর্তি ॥ তা' থাক্, তুই ধূপদানী সরিয়ে-নে,.....ধোয়ঁা
ক'রেছে ছাথনা, যেন গোয়াল-ঘরে সঁজাল দিয়েছে ।

ধূপের ধোঁয়ায়

নকুলিকা ॥ সাঁজ না হ'তেই সাঁজাল,.....কস্মর হয়েছে !

শ্রুতকীর্তি ॥ ছাখ্ নকুলিকা ! ...

নকুলিকা ॥ এরা সব যে ছকা-ছয়ার দোহারকী শুরু ক'রেছে...

...আমি বলি সন্কোই বা হ'ল,অযোধ্যায় আজকাল

দিন-দুপুরে শেরাল-রাগিনী শোনা যাচ্ছে !... ..সম্রাট বশিষ্ঠা-

শ্রমে গিয়ে অবধি এমনি অরাজকই হয়েছে বটে !

শ্রুতকীর্তি ॥ নকুলিকা !সব সময়ে নকল ভালো লাগে না ।

নকুলিকা ॥ আসল মানুষকে ডাকব নাকি ?

শ্রুতকীর্তি ॥ আবার !.....

নকুলিকা ॥ আবার কই ?..... এই তো প্রথম বার ।.....না, না,

খুড়ি, ভুল হয়েছে.....দ্বিতীয় বার । তা' আমার উপর

চোখ পাকালে কি হবে ? আমি আর কি কস্ব বল ?

দুপুর রোদ্দুরে, তিন দেউড়ী পার হ'রে, চিঠি নিয়ে

দোড়-পাড়াপাড়ি কল্লুম,—তোমার তাঁকে বল্লুম,—চিঠি

জরুরি, জবাব চাই । তিনি তখন নিজের তৈরী শত্রুজয়

খেলার ছক পেতে বসেছেন,—খেলাতেই মত্ত, ঘাড় না

তুলেই বলা হ'ল, 'তুমি যখন পত্রবাহক তখন চিঠি যে

জরুর-ই, তা বুঝতে পেরেছি ; কিন্তু জবাব'—এই পর্য্যন্ত

ব'লেই ভুরু কুঁচকে বাতাসের গায়ে আনুপনা দিতে লাগলেন ।

আমি প্রহর খানেক দাঁড়িয়ে দাঁড়িয়ে চ'লে এলুম ।

শ্রুতকীর্তি ॥ উঃ পুরুষ মানুষ কি হৃদয়হীন !—কি স্বার্থপর ! খেলার

ধূপের ধোঁয়ায়

মন্ত—চিঠির জবাব দেবার অবসর নেই!—একটু দারিত্ব-জ্ঞানও কি নেই? সত্ৰাট নগরের বাইরে, ধূমকেতুর দোষদৃষ্টি কাটাবার জন্তে কুলগুরুর আশ্রমে স্বস্তায়নে ব্যস্ত,—এদিকে এঁরা চার ভায়ে পাঁচ-পরের ভরসায় দুর্গ ছেড়ে কোথায়, যে চলেছেন, তা তাঁরাই জানেন, আর ধর্ম্মই জানেন।

নকুলিকা ॥ (ছোটো গলায়) মন্দ কি? নতুনতর বন্দোবস্ত, রাজা অমঙ্গলকে রাজ্য থেকে তাড়াবার চেষ্টা করছেন!—রাজপুত্রুরা তাকে নেমন্তন্ন ক'রে ডেকে আনছেন! অমঙ্গল-বেচারারই মুন্সিল! কার কথা রাখে বল দেখি!

শ্রুতকীর্ত্তি ॥ সঙ্গে নিয়ে যেতে বল্লম, তা' তো হ'লই না; এমন কি কোথায় যে যাওয়া হচ্ছে তা'ও বলা হ'ল না; লুকোনো হ'ল।

নকুলিকা ॥ কোথাও লড়াই বাধল না তো?

শ্রুতকীর্ত্তি ॥ উহঁ, লড়াই বাধলে সে কথা চাপা থাকত না,—চারদিকে সাজ-সাজ প'ড়ে যেত।

নকুলিকা ॥ তবে? মৃগয়া?

শ্রুতকীর্ত্তি ॥ উহঁ, সে কথা ঢেকে রাখত না.....

নকুলিকা ॥ তবে? আবার বিয়ে নাকি?

শ্রুতকীর্ত্তি ॥ বিচিত্র কি?

নকুলিকা ॥ চার ভায়ের এক সঙ্গে?

শ্রুতকীর্ত্তি ॥ হ'তে পারে,—আমাদের বেলা কি হয়েছিল?

ধূপের ধোঁয়ায়

নকুলিকা ॥ না, না, তা'ও কখনো হয়, এত প্রণয় ।

শ্রুতকীর্তি ॥ খুব হয় নকুলিকা, তুই পুরুষ মানুষকে চিনিস-নি,
ওরা সাপের সঙ্গেও ভাব রাখে, আবার ব্যাঙের সঙ্গেও
ভাব রাখে । তলারও কুড়োয়, গাছেরও পাড়ে ।

নকুলিকা ॥ আমার তো তা মনে হয় না ।

শ্রুতকীর্তি ॥ আচ্ছা তোর কি মনে হয় ঠিক কোরে বল্ দেখি ।

নকুলিকা ॥ আমার মনে হয় পুরুষ মানুষের মন গানের কলির
মতন, কখনো ফাঁকের দিকে গড়ায়, কখনো বা সমের দিকে
ঝাঁকে । ভয়ের কোনো কারণ নেই,.....ফাঁকের দর
থেকে দ্বিগুণ ঝাঁকে সমের বরেই ফিরে আসবে ।.....পুরুষ
মানুষ.....একটু ফাঁকা ভালোবাসে,.....মাঝে মাঝে একটু
ফাঁকে না যেতে পেলে হাঁপিয়ে ওঠে । ওরা পাখীর জাত...
...হক-না-হক উড়ে বেড়াতে ভালোবাসে ।

শ্রুতকীর্তি ॥ হুঁ, পুরুষ মানুষ পাখীর জাত, ওদের সব কুর্তির
প্রাণ ; আর মেয়েমানুষ কোনো বেড়াল, কোণ থেকে নড়তে
নেই । (পরিক্রমণ)

নকুলিকা ॥ (ছোট গঙ্গার) না, মাথা বিগড়েছে দেখছি, গোড়ে
গোড় দিয়ে দেখা যাক ।

শ্রুতকীর্তি ॥ আমাদের যেন প্রাণ হাঁপায় না, আমাদের ফাঁকার
যাবার দরকার হয় না, যত জোয়ার-ভাঁটা ওঁদের প্রাণে ;
আমাদের একটানা গঙ্গা, কেবল বর আর বর ।

ধূপের ধোঁয়ায়

নকুলিকা ॥ বা বলেছ আমাদের খালি আরসুলা, টিকটিকি আর
মাকোষার সঙ্গে গা-ঘেঁসাঘেসি কোরে ঐ ঘর কামড়েই
থাকতে হয় । ...

শ্রুতকীর্তি ॥ আমোদ নেই, আহ্লাদ নেই.....

নকুলিকা ॥ ফুর্তি নেই.....

শ্রুতকীর্তি ॥ ফুর্তি শুধু ওঁদের,—

নকুলিকা ॥ আর আমরা কেবল ছার পোকের মতন বাড়ী কামড়ে
প'ড়ে থাকতে জন্মেছি ।

(গান)

নকুলিকা ॥ তফাৎ করিয়া খাসা ওঁরা দূরে চ'লে যান,

সখীর দল ॥ আমরা বসিয়া থাকি আলতো !

নকুলিকা ॥ ছুনিয়াতে ওঁদেরি যা ফুর্তির প্রাণ, সেই,

আমরা এসেছি ভেসে, ফালতো !

সখীর দল ॥ মিছাই পরেছি পায়ে আলতা,

নকুলিকা ॥ মিছাই রেঁধেছি গুড় ঢালতা !

সখীর দল ॥ নালতে ভিজায়ে রাতে,

মিছে ছেঁকে দিই প্রাতে,

নকুলিকা ॥ পৌছে নাকো তবু আজ কাল তো ।

সখীর দল ॥ ওঁরা সব মর্দ—ফুর্তির ফর্দ লম্বা,

নকুলিকা ॥ আমাদের বেলা শুধু রঙা ।

ধূপের ধোঁয়ায়

সখীর দল ॥

অথচ না হ'লে নারী

দিন চলা হ'ত ভারি,

নকুলিকা ॥

হেঁশেলেতে কে উলুন্ জালতো ?

সখীর দল ॥

অবলা বলিয়া সই সইরে,

এত অপমান জালা সইরে !

নকুলিকা ॥

নাহি বাঁচি নাহি মরি,

জাঁকড়ে জীবন ধরি,

কি হবে উপায় হায় বল তা,

সখীর দল ॥

সাথে যেতে কর যদি বায়না,

আরজিটা কাণে পৌঁছায় না,

ভালোবাসা ছিল মিঠে

গোড়াতে পায়ের পিঠে,

নকুলিকা ॥

শেষে কিনা আখুখুখু ! পলতা !

সখীর দল ॥

আরশুলা-টিকটিকি রঙ্গে,

কোণ নিয়ে থাকো নারী সঙ্গে,

অশ্বমেধের ঘোড়া

বাইরে ফেরেন ওঁরা,

নকুলিকা ॥

হাঁওড়ে না মেলে হালচাল তো !

সখীর দল ॥ চ'লে যায় পায় পায় পায় রে !

হায় সখী হায় হায় হায় রে !

অবাক্ নয়নে চাই,

ছায়া কায়া ঠাই ঠাই,

(যেন) খ'সে পড়ে নারকেল-বাল্তো !

শ্রুতকীর্তি ॥ নাঃ, কিছুই ভালো লাগছে না ।.....নকুলিকা, পান্ধী

তৈরী করতে বল.....দিদির মহলে যাব ।

নকুলিকা ॥ রোসো, রোসো, মেলাই পায়ের শব্দ পাচ্ছি,.....

কারা আসছে !.....(এগিয়ে)আর পান্ধী ব'লে কি

হবে ? তিনি নিজেই আসছেন ।

[সীতা, উন্মীলা ও মা গুবীর প্রবেশ]

শ্রুতকীর্তি ॥ বা !.....দিদি !.....তুমিতোমরা !.....এস,

এস,বেশ !এই আমি তোমাদের কাছেই

যাচ্ছিলুম ।

সীতা ॥ কেন, শ্রুতি, মন টি'কছে না বুঝি ?.....এরি মধ্যে ঘর

ফাঁকা ঠেকছে ?তুই হাসালি বোন, এখনো যে ওরা

দুর্গের বাইরেও যায়-নি ।

শ্রুতকীর্তি ॥ না দিদি ঠিক তা নয়.....

সীতা ॥ তবে ?

শ্রুতকীর্তি ॥ তোমার সঙ্গে একটা পরামর্শো আছে,.....আচ্ছা,

ধূপের ধোঁয়ায়

দিনে দিনে এ সব কি বউছে ?... এগুলো কি সব উচিত

হচ্ছে ?

সীতা ॥ কী গুলো ?

শ্রুতকীর্তি ॥ এইযে আমাদের কাছে লুকিয়ে কোথায় সব যাওয়া

হচ্ছে.....

সীতা ॥ তা' গেলত বা... ঘুরে আসুক, চার ভাইয়ে তো প্রায় একঠাট্ট হবার সুযোগ হয় না,.....আশ মিটিয়ে বেড়িয়ে নিক,.....আমরাও চার বোনে মনের আশ মিটিয়ে গল্প গুজব ক'রে নিই, কবে আবার নন্দীগ্রামে চ'লে যাবি।.....আবার কবে জাপা শুনো হবে তার ঠিক কি ? যে ক'দিন আছি, সে কটাদিন চার বোনে মিলে আয়োধ্যাকে মিথিলা ক'রে তোলা যাবে, কি বলিস্ ?

(শ্রুতকীর্তি নিরন্তর)

চুপ ক'রে রইলি যে ?.....ওদের ভায়ে ভায়ে ভাব,

আর আমাদের বোনে বোনে বুঝি আড়ি ?

শ্রুতকীর্তি ॥ না দিদি আমার এ লুকোচুরি ভালো ঠেকছে না,...

...দশবছর হোলো বিয়ে হয়েছে, এমন ভাব তো কখনো

দেখিনি, আগে তো এ রকম ছিল না ।

মাণ্ডবী ॥ ধূমকেতু লো ধূমকেতু, এ-সব ধূমকেতু ওঠার ফল,—এই

মধুমাসে অসহ গ্রীষ্ম,.....

উন্মিলা ॥ আর এই মধুর দাম্পত্য জীবনে তার চেয়েও অসহ্য
সংশয়ের গুমোটী.....

মাণ্ডবী ॥ ‘রাহৌ গোমেদকং ধার্যাং কেতৌ মরকতং তথা’.....
শ্রুতি, ভালো চাস্ তো একটা মরকত-মণি ধারণ কর ,
ও কেতুও যে ধূমকেতুও সে ।

উন্মিলা ॥ অশ্বগন্ধার মূল ধারণ করলেও হয়, আস্তাবলের বাগান
থেকে আনিয়ে-নে না ।

মাণ্ডবী ॥ আস্তাবলের বাগান কেন ?

উন্মিলা । আস্তাবল নইলে অশ্বগন্ধা পাবে কোথায় ?

সীতা ॥ ক্ষাপাকে আর ক্ষাপাস্-নি বোন, ক্ষমা দে ।

শ্রুতকীর্তি ॥ না দিদি ক্ষাপা নয়,আমি স্পষ্ট কথা চাই,.....
সঙ্গে নিয়ে না যায় বেশ, নিয়ে যেতে হবে না,.....চাই-নি
যেতে ; কিন্তু, কোথায় যাওয়া হবে, তা’ বলবে না কেন ?

সীতা ॥ তুই কি সন্দেহ করিস্, শ্রুতি ?.....আমি করিনি,.....
করলে বাঁচতুম না ।

শ্রুতকীর্তি ॥ না, ঠিক সন্দেহ নয় ।.....তবে কি জানো,.....
এ কি-রকম জানো,.....এ যেন নিজের অধিকার থেকে
বঞ্চিত হওয়া ।.....আচ্ছা, ব’লে গেলে কি হয় ?.....
আমরা কি যাওয়া কেড়ে নেব ?

সীতা ॥ রাজবংশের মেয়ে হ’য়ে তুই এই কথাটা বললি, শ্রুতি ?...
জানিস্-নে ?.....রাজবংশে যাদের জন্ম তাদের কত বিষয়ে

ধূপের ধোঁয়ায়

সাবধান হয়ে চলতে হয় ?.....তুদিন পরে রাজ্যের ভার
বাদের মাথায় নিতে হবে, মন্ত্র-গুপ্তি তাদের সাধনার সামগ্রী
.....সব কথা জানিয়েই যে যেতে হবে তার কি মানে
আছে ?

শ্রুতকীর্তি ॥ আমি অতশত বুঝতে চাইনে,.... স্ত্রী তো স্বামীর
ছায়া,.....হাঁ কি না, স্ত্রী সর্বদা ছায়ার মতন স্বামীর
অনুগামিনী হবে, আমাদের সে অধিকার থেকে বঞ্চিত করা
হচ্ছে কেন ?.....তুমিই বলো,.....হয় বল শাস্ত্রের এ কথা
ভুলো, নয় তো.....

নাগুবী ॥ নয় তো, আর কি ? চল, সবাই মিলে ওদের রথের
অনুগমন করি অর্থাৎ কি না পিছন পিছন ধাওয়া করি.....

উর্মিলা ॥ যদি ওরা ঘোড়ায় চড়ে যাত্রা করে ?

নাগুবী ॥ তবে ঘোড়ার ল্যাজ ধ'রে সটান বুলে পড়ি,.....অনুগমন
তো করতে হবে !.....

শ্রুতকীর্তি ॥ বাওঃ,.....আমি সে কথা বলছি-নে ।

সীতা ॥ তবে ?

শ্রুতকীর্তি ॥ কোথায় যাওয়া হচ্ছে, অন্তত, সেইটে জানতে হবে,...

সীতা ॥ কি ক'রে ?

শ্রুতকীর্তি ॥ ফের চিঠি লিখে ।

সীতা ॥ বেশ, লেখো ।

শ্রুতকীর্তি ॥ সবাই মিলে, ... চার বোনে ।

সীতা ॥ তোমাদের ত কোতূহল নেই, তোমরা লেখো ।.....

উদয়কান্ত ॥ দিদি না লিখলে আমিও লিখব না ।

মা গুণী ॥ আমিও না ।

শ্রুতকীর্তি ॥ এই কথা, দিদি, তুমি না লিখলে কিছু হবে না ;...

...নারীর স্বাধীন অধিকার দাবী করবার লোকের অভাবে
যাঠে মারা যাবে !

সীতা ॥ তুই জালালিকি লিখতে হবে, শুনি ?

শ্রুতকীর্তি ॥ লিখে দাও না যা' ভাল হয়, তুমি তো বেশ গুছিয়ে
লিখতে পারো, লিখে দাও না ছ'কলম ।

সীতা ॥ না, না. তুই বল ।

শ্রুতকীর্তি ॥একথা.....সঙ্গে নিয়ে যাওয়া হ'ল না,...

.....কে যার যাওয়া হচ্ছে তা'ও বলা হ'ল না । অতএব.....

॥ অতএব.....

তোমাদের সঙ্গে আড়ি !

আমরা রইনুম বাড়ি !

আমরা রাধিব,

আমরা বাড়িব,

আমরা থাব পায়ের ।

শ্রুতকীর্তি

চোদ ঘণ্টা

ঘুমিয়ে কসব আরেস !

শ্রুতকীর্তি ॥ তোমাদের দিগে কোনো কাজ হবে না, তোমরা
যা লিখতে চাই নিখেছ । আমি চল্লুম আখ্যা স্মিত্রার কাছে ।

ধূপের ধোঁয়ায়

পীতা ॥ না, না, তাঁকে আর জালাস্-নে ।
সেইখানে গিয়ে চিঠি চাপাটি যা মন চায় তাই হবে ।
মাণ্ডবী ও উন্মীলা ॥ আমি চাপাটি চাই, চিঠি চাই-নে . . .
আমি চাপাটির দলে ।

কালের প্রহান

দ্বিতীয় দৃশ্য

[মেয়ে-মহলের দেউড়া ; চন্দন কাঠেব প্রকাণ্ড ফটক ভেদে বন্য
রয়েছে, ফটকের গায়ে নজ্জার সূর্যমুখী ফুলগুলিও ঠিক মাঝে মাঝে
মানানসই লোহার গুলো ; কাটা দরজাটা ঈষৎ খোলা ; বেত
হাতে বেত্রবর্তী পাষচারি করছে ।]

বেত্রবর্তী ॥ (থম্‌থসের চোঁকো পাথার বাতাস খেতে খেতে)

দেড় ঘটি আঁব-পোড়ার সরবৎ, আড়াই ঘটি মিছামিছা পান্না,

আর ঘড়াটাক সরষুর জল ! উদর
ক'রে মুখে ঢাল্লুম এইটুকুই মনে আছে,

মনে আছে চক্-চক্ বক্-বক্ শব্দ ! উঃ

বিধাতা-পুরুষ পবন দেবকে বরখাস্ত কোরে

ধূপের ধোঁয়ায়

অগ্নিদেবকে বাহাল করলেন নাকি !.....বসন্তোৎসবের
আগেই এমন ছুরন্ত গরম তো জন্মে কখনো দেখি-নি ?
.....যে দিন থেকে বাঁটা-কাঁটা ধূমকেতুটা উঠেছে সেইদিন
থেকেই এই অগ্নিবৃষ্টি শুরু হয়েছে !.....সুখি গ'লে আগুনের
পানা তৈরী হচ্ছে, উঃ আগুন !

(হাতে চোখ ঢেকে উপবেশন ও তন্দ্রাবেশ)

নেপথ্যে ॥ হা-আ,.....বেস্মোতলায় আগুন লেগেছে !.....পায়ের
তেলোয় ফোঁকা !.....ম'রে গেলুম না,.....সারা হ'য়ে গেলুম !

[কাটা দরজার ভিতর দিয়ে গুঁড়ি মেরে তন্দ্রাবুড়ির প্রবেশ]

তন্দ্রাবুড়ী ॥ আ-আঃ, ঠাইটে বেশ ঠাণ্ডা রে, অন্ধকার কিনা,
শ'য়াতা,.....একটু জিরিয়ে নিই না, জুড়িয়ে নিই,.....
আহা-হা-হা কাকাল্.....দরদ.....(বেত্রবতীর স্বক্কে
উপবেশন)

বেত্রবতী ॥ (চমকে উঠে) কি এ ?.....আ.....কে এ ?.....

রাম, রাম, নেবে বস না,.....ঘাড়ের উপর বসবার জায়গা ?

তন্দ্রাবুড়ী ॥ অ !—মা অন্ধকারে দেখতে পাইনি,—আমি বলি
মোড়াটা !.....কে ? অ !—মা ! বেতন্তু দিদি !

বেত্রবতী ॥ আর বেতন্তু দিদি,.....ছুরন্ত গরমের চোটে নিতান্ত
কাহিল অবস্থায় এক পাশে প'ড়ে আছি আর !.....বলি
যাওয়া হয়েছিল কোথা ?

ধূপের ধোঁয়ায়

তন্দ্রাবুড়ী ॥ আর কোথা ?.....ঐ নকথনের হোতায় ;থেয়ে
উঠে সবে পানটি মুখে দিইছি,সুমিতির রাণীর হকুম
হ'লযা' রাম-নকথনকে নিশ্বালিয়া দিয়ে আয়, দিয়ে
এলুম,.....যাত্রা ক'রে বেরিয়েছে, আর তো ঘর ঢুকবে না,
দিয়ে এলুম,.....এসে সবে গা গড়াবার গোছ করিছি
আবার ডাক পড়ল.....কি সমাচার ? না, হাঁতির দাঁতের
গাছ-কোটোয় ভূজিপাতার লেখন আছে,..... যা', রাম-
নকথনকে দিয়ে আয়,.....পঞ্চাশটে দাসী রয়েছে,.....
তা' আর কাউকে দিয়ে বিশ্বাস হবে না,.....আমাকেই
নিয়ে যেতে হবে,.....তা কি করব ?রাজার রাণী...
...মুখ ফুটে বললে,.....ঠেলতে পারিনে ।..... কোটো বার
করলুম,.....খুলে দেখি অ-মা দুখানা লেখন,.....কোন-
খানা নিই—কোন্খানা খুই, বিষম ফাঁপর, সূধুতে
গেলুম,.....তা' রাণী তখন পূজোয় ব'সেছে,কারে
সূধুই কি করি ?তা কোটোসূদ্ধই নিয়ে গেলুম ।

বেত্রবতী ॥ তা বেশ ক'রেছ.....বুদ্ধির কাজই ক'রেছ ।

তন্দ্রাবুড়ী ॥ তা' আর বলতে ! নইলে কি আবার টানা-পোড়েন
করব নাকি.....সাতমহল মাড়িরে ?.....এই রোদুরে ?

বেত্রবতী ॥ তা বই কি, তাতে এই বুড়ো বয়েস.....

তন্দ্রাবুড়ী ॥ (গলা খাঁকার দিয়ে) না বেতন্তু দিদি, আমি বুড়ো
হইনি, আমার রোগে ক'রেছে । তা' যা' বলছিলাম,

ধূপের ধোঁয়ায়

.....তেতেপুড়ে কোটোঁস্ক নকখনকে তো দিলুম,.....
সে আবার কোটোঁ খুঁলে ছুঁখানা চিঠিই রামকে দিলে
ছুঁজনে বিড়বিড় ক'রে পড়লে.....তারপর কি বলাবলি
করলে, ক'রে ট'রে অ-মা ! শেষে আমার উপর তস্থি ! তা'
বাছা তস্থি করলে কি হবে ?.....বলে--

কোন্ হাঁড়ির কি বৃত্তান্ত ।

আমি কি জানি তপ্ত পান্ত ॥

তা' যা' বলছিলুম, মুখখানা হাঁড়িপানা ক'রে, একখান লেখন
কোটোর ভ'রে নকখন কোটোঁটা ফেরৎ পাঠালে,.....
তাই নিয়ে যাচ্ছি ।

বেত্রবতী ॥ তা নিয়ে যাবে বইকি,.....নিয়ে যাবে না তো কি ফেনে
দেবে,.....গরীব লোক, গায়ের রাগ গায়েরই মারতে হবে ।

তন্দ্রাবুড়ী ॥ ঐ গায়ের রাগ গায়ে মেরেই তো চুলগুলো সব অসময়ে
শোণের লুড়ি হ'য়ে গেল,তা যা বলছিলুম মা,
দোষ কল্লে স্মৃতিরে রানী, আমি খেলুম চোখ-রাঙানি ।
.....তোমরা রাজার রানী রাজার কি লেখাপড়া জানো,
লেখন চিনে আমার হাতে হাতে বুঝিয়ে দিবে পূজায়
বসলেই তো হ'ত,অ'্যা.....আবার তাও বলি বাছা,
.....স্মৃতিরেরই বা অপরাধ কি ?.....ওর কি আর
মাথার ঠিক আছে না মনের ঠিক আছে ?.....রাজা
গেলেন দেশ ভের্মনে,গেলেন কে না পাটরাণী

ধূপের ধোঁয়ায়

কৌশল্যো,তা বা পাটরাণী, যাবে না, থাক ।.....
আর গেলেন কে না নাটের রাণী কেকই, নইলে যে তিনি
গৌসী ঘরে ঢুকবেন ।.....তিন রাণীর মধ্যে দুজন গেলেন
রাজার সঙ্গে,.....কেন আরেকজন কি যেতে জানেনা ?
.....সুমিত্রিরে নেহাৎ ভালোমানুষমুখ ফুটে কোনো
কিছুই বলেনা, তাই যত হেনস্তা তাকে ;.....সে একলাটি
প'ড়ে রইল ; নইলে বাড়ী আগ্লাবে কে ? বউদের সব
চরাবে কে ? ঘরে সন্ধ্যা দেবে কে ?.....বলি এতে কি
আর মানুষের মনের ঠিক থাকে ? রাজা আমাদের বুড়ো
হ'তে বসেছেন, কিন্তু একচোখোমি ঘুচল না ।

বেদ্রবতী ॥ রাজা-রাজড়ার কাণ্ড !.....আমাদের ও-সব কথায়
কাজ কি আসি ।

তন্দ্রাবুড়ী ॥ না, তাই বলছি,.....বলি নকখন আমার ওপর রাগ
করলে কিনা ।আমি ওরে কোলে পিঠে ক'রে মানুষ
ক'রেছি, ওর মা সুমিত্রিরে, তারে হ'তে দেখলুম,
.....মানুষ করলুম,আমার ওপর তস্কি করলে,
তা করুক !

বেদ্রবতী ॥ তুমি রাগ করনি তো ?

তন্দ্রাবুড়ী ॥ তা কি পারি বেতস্ত দিদি ? ওদের অকল্যাণ হবে
যে ? সুমিত্রিরের ক্ষুদ্ কুঁড়ো নকখন, শিবরাত্রিরের সোলাতে,
অঁধার ঘরের মাণিক, ওদের ছাট্টে নিরে সুমিত্রিরে

ধূপের ধোয়ায়

সংসারী হয়েছে, ওদের ওপর আমি রাগ করব ? (গালে মুখে চড়াতে চড়াতে) আরে আমার কপাল ! আরে আমার কপাল !

বেত্রবতী ॥ না, না, আমিও তো তাই বলছিলাম, তুমি কি রাগতে পার !.....বলি হ্যাঁ আরি, তোমার গাম্ছায় কি ?

তন্দ্রাবুড়ী ॥ অ-মা ! ও সেই কোটোটা আর কটা কাঁচা বেল,বড় দেউড়ীর দারোয়ানেরা পাড়ছিল কি না, তাই.....চেরে আনলুম,.....কাঁচা বেল,.....পুড়িয়ে খাব ।

বেত্রবতী ॥ তা' বেশ ক'রেছ ; এখন আমাদের বেল-পোড়াই আহা, আর তামাক-পোড়াই বাহার ।

তন্দ্রাবুড়ী ॥ (আপন মনে) দেখলুম ঠাউরে ঠাউরে গোটাকতক বেল পেকেছে, তা'.....

[নকুলিকা ও কুরঙ্গিকার প্রবেশ]

নকুলিকা ॥ পেকেছে তো পেকেছে, বেল পাকলে কাগের কি ?

তন্দ্রাবুড়ী ॥ কে লা ?.....নকুলি বুঝি,তুই বড় নকুলে,তা' হ্যাঁলা, আমি কি কাগ ?

নকুলিকা ॥ ষাট্ ! তুমি কাগ হ'তে যাবে কেন ? তুমি হ'চ্ছ “কাগভুষণ্ডির কাকী, কাকাতুরা পাখী !”.....তন্দ্রা আরি, কই, আজকে আমার পান দিলে না ?

তন্দ্রাবুড়ী ॥ ওলো আমার নাম তন্দরা নয়, তন্দরা নয়, আমার নাম চন্দরা, আকাশের চাঁদ.....বুঝেছিচ্ছ ?

ধূপের ধোঁয়ায়

নকুলিকা ॥ তবে যে সবাই তন্দ্রাবুড়ী বলে ?

তন্দ্রাবুড়ী ॥ তা' বুঝি জানিস্-নে—

(সুরে)

এই, বয়স যখন তিনকুড়ি সাত

ফোকলা দাঁতের কল্যাণে,

তখন, চন্দ্রাবলীই তন্দ্রাবুড়ী

নকুলিকা ॥ গঙ্গাপ্রাপ্তি সজ্ঞানে !

তন্দ্রাবুড়ী ॥ যখন, সদাই ঢোলে ছ'চক্ষু

নকুলিকা ॥ ভুঁয়ে, না গড়াতেই ঘড়ি ফুঃ !

তন্দ্রাবুড়ী ॥ তখন, নতুন নতুন আখ্যা নিতুই
নাৎনী-নাতির ব্যাখ্যানে ।

নকুলিকা ॥ তা বাপু, নাৎনী নাতির দোষ কি ?.....সব বয়সে
মানায়, সকল বয়সে মানে হয়, তাকেই তো বলি নাম ।
বাপ-মায়ে সে রকম নাম রাখে না কেন ? তা রাখা হয় না ;
নাম কি ? না কুসুমিকা, অরুণিকা, মদনমোহিনী ।
কুসুমিকা যখন বোঁটাসারিকা তখনো কুসুমিকা ! অরুণিকা
যখন আমসী-গালিকা তখনো অরুণিকা ! মদনমোহিনী
যখন যমদুতেরও মন মোহন করতে পারেন কিনা সন্দেহ,
তখনো নাম জিজ্ঞেস করলে বলতে বাধা হবেন সেই
মদনমোহিনী !

ধূপের ধোঁয়ায়

তন্দ্রাবুড়ী ॥ এত রঙ্গও জানিস্ তুই !

নকুলিকা ॥ রঙ্গ ?.....কই, ঠোঁটে একটুও রং নেই,তুমি
পান দিলে না, তন্দ্রাবুড়ী !

কুরঙ্গিকা ॥ খবরদার আয়ি ! ওকে দিয়ে না, তোমায় বুড়ী
বলেছে ।

নকুলিকা ॥ খুড়ি, তন্দ্রাবুড়ী নয়, তন্দ্রা আয়ি,না, না, চন্দ্রা
আয়ি,.....এইবার দাও ।

তন্দ্রাবুড়ী ॥ তুই সেই পানের গানটা বল, নইলে দেব না ।

নকুলিকা ॥ তুমি দাও আগে.....

তন্দ্রাবুড়ী ॥ তুমি গাও আগে.....

নকুলিকা ॥ (হাত পাতিয়া) আচ্ছা ডান হাত বাঁ হাত.....

কুরঙ্গিকা ॥ আচ্ছা, আমি মীমাংসা ক'রে দিচ্ছি ; তুমি তান ছাড়,
আর তুমি পান ছাড়, হাঁ !.....এইবার বিচারকের বেতন
.....হাঁ !

নকুলিকা ॥ (পানের খিলি হাতে নিয়ে)

(গান)

পাহাড়ে ছিল এলাচ, লঙ্গ পার-ঘাটে !

কুরঙ্গিকা ॥ লাল্চে রাঙা ঠোঁটের জুটল এক হাতে !

নকুলিকা ॥ ছিল যে চূণ ভাঁটিতে,—

কুরঙ্গিকা ॥ খয়েরের বাগানটিতে,—

ধূপের ধোঁয়ায়

উভয়ে ॥ সুপারির সঙ্গে তারাও ফন্দী কি অঁটে !

নকুলিকা ॥ মিলে শেষ পান-খিলিতে,—

কুরঙ্গিকা ॥ রূপসীর বালাই নিতে,—

উভয়ে ॥ লিখে ছায় রঙীন লেখা হাসির কপাটে !

নকুলিকা ॥ মধুরে মধুর ক'রে

কুরঙ্গিকা ॥ সুবাসে ছায় রে ভ'রে

উভয়ে ॥ মিঠে-ঝাল কি মত্তরে নাচায় একনাটে !

কুরঙ্গিকা ॥ তুই যাবি, না, আশির সঙ্গে সারাদিন রঙ্গ করবি ?...

বেলা গড়িয়ে গেল.....এর পর গেলে কুমারদের সঙ্গে
ছাথাও হবে না,চিঠিও দেওয়া হবে না।তিন
দেউড়ী পার হ'য়ে যেতে হবে, মনে থাকে যেন।

নকুলিকা ॥ রোস্ না ভাই, একটু জিরোই,আমার বড্ড
গা' টিস্টিন্ করছে।

কুরঙ্গিকা ॥ অ ! বটে ! আমারও বড্ড হাত নিস্পিস্ করছে।

(কিল)

নকুলিকা ॥ যা' না,.....ছাথ্, রাগালে কিন্তু এখ্খুনি গালাগালি
করব.....

কুরঙ্গিকা ॥ গালাগালি ?.....কি রকম গালাগালি ভাই!.....
যেমন হাতে হাতে হাতাহাতি, চুলে চুলে চুলোচুলি, গলায়
গলায় গলাগলি,.....তেমনি ধারা নাকি ?

ধূপের ধোঁয়ায়

নকুলিকা ॥ হুঁ হুঁ !

কুরঙ্গিকা ॥ না, না,খবরদার !.....চাল্তার মতন গাল
তোঁর,খবরদার !

নকুলিকা ॥ তা' বই কি !

কুরঙ্গিকা ॥ খবরদার ! চাল্তা আমি মোটে ভালোবাসি না,.....
চাল্তার অস্থল অব্ধি ছুঁই না ;খবরদার.....চাল্তা
গালে গালাগালি কোরোনা, কিন্তুভালো হবে না,
বলছি ; এই খবরদার, এই !.....খবরদার ! এই—

[প্রশ্নান

নকুলিকা ॥ (যেতে যেতে) বেত্রবতী ! আমাদের দেউড়ীগুলো
পার ক'রে দিয়ে যাও, আমরা রাজকুমারদের চিঠি দিতে
যাচ্ছি ।

[প্রশ্নান

বেত্রবতী ॥ নাঃ আবার এই রোদ্দুরে ভোগালে ।

[প্রশ্নান

তন্দ্রাবুড়ী ॥ (গাম্ছার জিনিস গুছিয়ে নিতে নিতে) যাই আমিও
যাই, একলাটি হেতার কি করব ।

[প্রশ্নান

নেপথ্যে ॥ আরে দূর,..... আরে ছেই,.....আরে দূর,.....
কোন্ দিক সামলাই,.....দূর হ', দূর হ', দূর হ',.....
ঐ বাঃ !

ধূপের ধোঁয়ায়

[তন্দ্রাবুড়ীর পুনঃপ্রবেশ]

তন্দ্রাবুড়ী ॥ নিয়ে গেল, নিয়ে গেল, মাথা খেলে আমার !.....অ
বাপু কিঙ্কিবাসী, অ হুন্সমান্ !.....ও গাছ-মোণ্ডা নয়...
...ও হাতীর দাঁতের গাছ-কোটোও খাওয়া যায়
না রে, খাওয়া যায় না,.....দিয়ে যা,কি আপদেই
পড়লুম গা,অ বেতন্তু দিদি !.....মুখপোড়া বেল
নিলে না, আমার মাথা খেতে কোটো নিয়ে পালালো,
দিয়ে যা রে দিয়ে যা..... বলি, অ হুন্সমান্অ
কিচকিঙ্কি !.....অ মুখপোড়া !

[প্রস্থান]

তৃতীয় দৃশ্য

[হাওয়া-মঞ্জিল, চারিদিকে শ্বেতপাথরের জালি ; একদিকে একটা
মস্ত মালতী লতার গাছ লতিয়ে উঠে চাঁদোয়া রচনা করেছে । ছোটো
মাটির কুণ্ডায় জুঁই ফুলের গাছ । শ্বেতপাথরের বেদীর উপর সীতা,
উর্ঝ্বলা ও মাণ্ডবী উপবিষ্টা, কাছে বিহঙ্গিকা ।]

বিহঙ্গিকা ॥

(গান)

কুঁড়ি ওই পাখনা মেলে !—

পাপড়ি ব'লে ভুল কর' না !

ধূপের ধোঁয়ায়

দেছে ভরু পাখায় ভ্রমর,

তাই বুঝি ফুল উদাস-মনা !

বাঁধা যে আছে বোঁটায়,—

ভুলে যায়,—পরাণ লোটায় ;—

কেঁদে কয় বন্ধু ! আমায়

শেখাও দূরের আনাগোনা ।

মিনতি হ'ল মিছে, চায় না পিছে, ভ্রমর মোটে,

করে ফুল আথাল-পাথাল উতল হাওয়ায় মাথা কোটে !

খুলে যায় বোঁটার বাঁধন,—

বুঝি বা ঘুচল কাঁদন ;

না রে না,—হর্ষে বিষাদ,—

ধূলায় লোটায় চাঁদের কোণা !

সীতা ॥ ফুলের ছুঁখু তার সঙ্গী চ'লে গেল, সে সঙ্গে যেতে পেল
না, বেচারী সঙ্গ-সুখে বঞ্চিত হ'ল ।.....ভোম্‌রা কি
ভাবলে তা ভোম্‌রাই জানে ।.....যারা দূরে যায় তারা
পুরোনো হারিয়ে নতুন পায় ।.....কত নতুন ফুলের সৌরভ,
.....কত নতুন পাখীর কাকলিকত নতুন চোখের
বিদ্যুৎ.....তাদের মন হরণ কস্ববার জন্তে.....বিজন
বনেও মায়াপুরী নির্মাণ ক'রে রেখেছে । কিন্তু, যারা
চোখের জল সম্বল ক'রে পিছনে প'ড়ে বইল,...

ধূপের ধোঁয়ায়

...জ্ঞান হাসি হেসে, আপনার জনকে বিদায় দিয়ে,
অঁধার মুখে ঘরের অন্ধকার কোণে ফিরে এল, তাদের
সব শূণ্য, সব খালি, সব ফাঁকা ! সেই পুরোনো ঘর-দুয়ার,
সেই পুরোনো সাজ-সরঞ্জাম, সেই সমস্ত ! ...নতুনের
মধ্যে ?.....ভরা ঘরের মাঝখানে—দুর্ভর ব্যাকুলতা, ঘরভরা
কালা,বুকভরা হাহাকার !চেনা মুখের হাসি
চাইলেও দেখতে পাওয়া যায় না, স্মরণের সোনার কোটোর
সাত রাজার ধন মাণিক হ'য়ে বিরাজ করে ।

উন্মিলা ॥ দিদি !

সীতা ॥ (আকাশের দিকে চেয়ে, অশ্রুমনস্কভাবে) পূর্বদিকের সাদা
মেঘগুলো সোণার বর্ণ হ'য়ে উঠেছে,.... আজ কি পূর্ণিমা ?

উন্মিলা ॥ আজ তো নয়.....কাল.....

সীতা ॥ এটা না মধু-পূর্ণিমা ?

উন্মিলা ॥ হ্যাঁ, মধু-পূর্ণিমা.....বসন্তোৎসব ।

সীতা ॥ এবার বসন্তোৎসব নিরানন্দে কাটাতে হবে,.... এবার
নিরুৎসব ।

মাণ্ডবী ॥ এটা কি এঁদের ভালো হ'ল ?শ্রুতিকে তখন
হেসে উড়িয়ে দিচ্ছিলুম, কিন্তু এখন দেখছি নানা রকমে
বঞ্চিত হচ্ছি.....চারিদিক থেকে বঞ্চিত হচ্ছি ।

উন্মিলা ॥ এখন মনে হচ্ছে, শ্রুতি কিছু অগ্রায় করে-নি, ঠিকই
করেছে.....

ধূপের ধোঁয়ায়

সীতা ॥ দ্যাখো চিঠির কি জবাব আসে.....

বিহঙ্গিকা ॥ ঐ দ্যাখো.....ঐধূমকেতু উদয় হয়েছে ।.....

মাণ্ডবী ॥ কি প্রকাণ্ড ওর পুচ্ছ !.....পূর্ব থেকে পশ্চিম আকাশ
পর্যন্ত আচ্ছন্ন হ'য়ে গেল,.....চাঁদ নিম্প্রভ হ'য়ে গেল ।

উন্মিল্লা ॥ ওটা ধূমকেতু না কালকেতু

বিহঙ্গিকা ॥ না কপালকেতু ?

মাণ্ডবী ॥ শুনেছি, ওটার নাম তামসকীলক, আমাদের কপালে
কালকেতু হ'য়ে দাঁড়িয়েছে ।

উন্মিল্লা ॥ কালও যেখানে উঠেছিল আজও ঠিক সেইখানে ।.....
আজ চোদ্দ দিন ধ'রে ঐ একটা জায়গাতেই উদয় হচ্ছে ।

মাণ্ডবী ॥ শুনেছি নাকি ওটা যে দেশে যে ক'দিন দ্যাখা যায় সে
দেশে তত বৎসর অমঙ্গল ।

সীতা ॥ অমঙ্গলের আর বাকী কি ?.....এরি মধ্যে তো মনের
ভিতর সব গোলমাল সঁধিয়েছে.....সব যেন কেমন.....

মাণ্ডবী ॥ আড়ো আড়ো ছাড়ো ছাড়ো হ'য়ে পড়ছে !

বিহঙ্গিকা ॥ তবু মহারাজ দস্তুরমত স্বস্ত্যয়ন করচ্ছেন ।

মাণ্ডবী ॥ (অগ্নমনস্কভাবে) তাইতো ! নকুলিকার হ'ল কি ?

এখনো ফিরল না । কুরঙ্গিকাই বা কি ?

উন্মিল্লা ॥ কি জানি ?.....শ্রুতি তো হুঁতুটে দেড়ানো.....

সীতা ॥ বিহঙ্গিকা দ্যাখ, তো এগিয়ে.....কুরঙ্গিকা, কুরঙ্গিকা কেউ
ফিরল না ?

ধূপের ধোঁয়ায়

[নকুলিকা, কুরঙ্গিকা ও শ্রুতকীৰ্ত্তির প্রবেশ]

কুরঙ্গিকা ॥ ফিরেছি.....জবাব এনেছি.....চার চার খানা জবাব
এনেছি..... শিরোপা চাই.....পুরস্কার,.....

নকুলিকা ॥ হুঁ,.....শিরোপা চাই.....

কুরঙ্গিকা ॥ তোর কিসের শিরোপা, রা ?তুই তো যেতে
চাস্নি.....বলেছিলি জবাব দেবে না,..... তারপর
তদ্রাবুড়ীর ওখানে ফট্টিনট্টি ক'রে দেড়ঘণ্টা কাটালি,
শিরোপা দেবে না গলায় পা দেবে ।

নকুলিকা ॥ ছাখ্, তুই কুরঙ্গিকা না ভুজঙ্গিকা ?

কুরঙ্গিকা ॥ কেন বল্ তো.....

বিহঙ্গিকা ॥ নইলে, নকুলিকার সঙ্গে অত লাগিস্ কেন ?.....
ঠিক যেন সাপে নেউলে.....

নকুলিকা ॥ বল্ তো ভাই, বল্ তো.....

শ্রুতকীৰ্ত্তি ॥ নে, নে,.....চিঠি দে.....

নকুলিকা ॥ আগে বখ্ শিস—

(গান)

(আমায়) ক'রে চাপরাশী চিঠি রাশি রাশি
পাঠালে ! হাঁটালে ! খাটালে !

শ্রুতকীৰ্ত্তি ॥ তাই বুঝি সারা বেলাটা বেবাক
বাহির-মহলে কাটালে ?

নকুলিকা ॥ সে কসুর মোটে নয় আমাদেরি,
জবাব পেতে যে হ'য়ে গেল দেবী,

শ্রুতিকীৰ্ত্তি ॥ দে, দে, চিঠি দেখি,—

নকুলিকা ॥ —বখ শিস ?

শ্রুতিকীৰ্ত্তি ॥ —ছাখ্—

ভাল হবে নাক ঘাঁটালে, আমায় ঘাঁটালে ।

নকুলিকা ॥ বেশী নাহি চাই কোরোনাকো কোপ,
পাগড়ী নাগরা দাড়ি আর গৌফ,
(চাপরাশ চাপদাড়ি আর গৌফ,)

কুরঙ্গিকা ॥ চোপ, চোপ্, নিজে সব নিবি বুঝি ?.....
ধর্ম্মে সবে না ছাঁটালে, আমায় ছাঁটালে ।

নকুলিকা ॥ গৌফ নেই গৌফে তেল দিবি কিরে ?.....
ভারি লোভ দেখি কাঁটালে, গাছের কাঁটালে ॥

মাণ্ডবী ॥ আচ্ছা, পাগড়ী, নাগরা আমি দেব এখন,আমায়
দে.....

(কুরঙ্গিকার তথাকরণ)

উন্মিল্লা ॥ চিঠি সব পড়বে কে.....

মাণ্ডবী ॥ দিদি যাকে বলবে.....

ধূপের ধোঁয়ায়

সীতা ॥ যে বড় সেই পড়বে.....আমায় দাও.....(পাঠ)

উন্মিলা,

তোমার আজকের পত্রের বচন-বিত্যাস মোটেই উন্মি-
মালার কলধ্বনির মতন নয়, এ একেবারে তরঙ্গভঙ্গ ।
সে যা' হোক, আমরা চার ভাইএ কোথায় যাচ্ছি তা'
তোমায় বলতে পার্‌লুম না, কেন যাচ্ছি তাও না । তুমি
জানো কারো কাছে জবাবদিহি করা আমার স্বভাব নয় ।
এতে যদি অভিমান কর নাচার । ইতি—লক্ষণ

উন্মিলা ॥ (অধোবদনে রইলেন)

শ্রুতকীর্তি ॥ (অশ্রুদিকে মুখ ফিরিয়ে) উঃ !

সীতা ॥ (আর একখানা খুলে) এ খানা দেখছি আমার ।
(নীরবে পাঠ)

মাণ্ডবী ॥ কই ?.....পড় !

সীতা ॥ কী আর পড়ব... ঐ একই কথা,.....(আর একখানা
খুলে পাঠ)

মাণ্ডবী,

তোমার চিঠি কোথায় 'মম শিরসি মণ্ডনম্' হবে,
..... তা না হ'য়ে একেবারে কোদণ্ড-টঙ্কার !.....একেবারে
যুদ্ধং দেহি !.....চিঠিতে তোমার এই চণ্ডীমূর্তি দেখে, হে
কোপনে ! সত্যই আমাকে একটু গণ্ডগোলে পড়তে হয়েছে ।
কেথায় যাচ্ছি সে কথাটা তোমার কাছে বিজ্ঞাপিত করা

ধূপের ধোঁয়ায়

হয়নি ব'লে প্রতিজ্ঞা করেছ যে সজ্ঞানে সরযু-লাভ হ'লেও
এই আজ্ঞাবহ ভৃত্যকে সে সংবাদ জ্ঞাপন করবে না ! • কি
আশ্চর্য্য ! তোমার মতন প্রজ্ঞাবতী নারীর কি এই বিচার ?
ভালো, আমি.....থুড়ি.....আমরাও প্রতিজ্ঞা করছি, যে
তোমরা না আহ্বান করলে আর ওমুখো হব না, এমন
কি নগরেও ফিরব না ; যে দিকে দুই চক্ষু যায়, আশ্বেপের
সঙ্গে বলতে হচ্ছে, যে সেই পথেরই পথিক হব । অভিমান
নামক সামগ্রীটি কেবল ভামিনী কুলেরই একচেটে নয় ।
ইতি—

তোমার হতভম্ব ভর্তা—ভরত বর্মা

উন্মিলা ॥ (মাণ্ডবীর মুখের দিকে চাইলেন ।)

মাণ্ডবী ॥ (গালে হাত দিয়ে ভারতে বসুলেন কি নিজের গালে
নিজে চিম্টি কেটে বিদ্রোহী হাসিটার বেগাদবীর দণ্ডবিধান
করলেন তা' ঠিক বুঝতে পারা গেল না ।)

শ্রুতকীর্তি ॥ (দাঁড়িয়ে উঠে । আবার ঠোঁটের উপর ঠোঁট চেপে
দুই হাতের মুঠো শক্ত ক'রে ব'সে পড়লেন ।)

সীতা ॥ শ্রুতি ! এইবার তোর চিঠি,.....(পাঠ)

শ্রুতকীর্তি,

তোমার আবার এ কি নূতন কীর্তি ! দস্তুরমত
নারীবিদ্রোহ পাকিয়ে তুলেছ দেখছি । তোমরা চারজনে
একজোট হ'য়ে আমাদের চার ভাইকে দমিয়ে দেবে

ধূপের ধোঁয়ায়

ভেবেছ ? সেটি হচ্ছে না, আমরাও চারজনে এককাটা
হলুম, জান্বে । দেখি কারা হারে আর কারা জেতে ।
বিদ্যারের আগে শুধু এইটুকু ব'লে রাখছি, যে তোমরা
বিধিমতে সাধ্য-সাধনা না ক'রলে সাধের অযোধ্যায় আর
পদার্পণ করছি-নি । ইতি—

তোমার শত্রুর—শত্রু

পুনশ্চ :—লিখেছ কথা না রাখলে আর চিঠি লিখবে না,
এই তোমার প্রতিজ্ঞা । ভালো, আমি তোমার প্রতিজ্ঞা
ভঙ্গ করতে চাই-নে । তবে স্বামীর কর্তব্য আশ্রয় করতেই
হবে । যদি কোনোদিন স্মরণ করবার আবশ্যক হয় তবে
এইসঙ্গে যে অঙ্গুরী পাঠালুম, সেইটি পাঠিয়ে দিও ।

ইতি শ—

মাণ্ডবী ॥ তা হ'লে ঠিকানা দিয়েছে ।

সীতা ॥ কই না । (চিঠি উল্টেপাল্টে দেখলেন)

মাণ্ডবী ॥ কোথায় পাঠাতে হবে বলে-নি ?.....নকুলিকা !

নকুলিকা ॥ কই সে কথা আমাদের কিছু বলেন-নি ॥

শ্রুতকীর্তি ॥ তা বলতে যাবে কেন ?.....আশা জাগিয়ে নিরাশ
ক'রে অপমানের উপর অপমান করবার ও আর-একটা
ফন্দী ।

মাণ্ডবী ॥ দেখলে দিদি, চিঠির সব ছিঁরি দেখলে ?

উন্মিলা ॥ কি হবে, দিদি ?... .. অযোধ্যা যোদ্ধাশূন্য হ'য়ে রইল ;
কি হবে ?

মাণ্ডবী ॥ কি আবার হবে,..... গুঁরা নইলে সত্যিই কি অযোধ্যা
অরণ্য হবে

উন্মিলা ॥ আমাদের পক্ষে হবে বই কি.....

শ্রুতকীর্তি ॥ না, না, তুমি অমন দমে যেয়ো না.....দমে গেলে
চলবে না আমাদের অভিমানের অপমান ক'রেছে.....
আমাদের বিদ্রোহী বলেছে,..... বেশ..... আমরা বিদ্রোহই
ঘোষণা করলুম ।

মাণ্ডবী ॥ আমরা রোগে পড়ি, মরে যাই,.....কোনো খবর
দেব না ।

শ্রুতকীর্তি ॥ বিপদ হোক আপদ হোক.....কোনো খবর দেব না,
.....কোশল দুর্গ শত্রু এসে ঘেরাও করলেও না ।

সীতা ॥ ভগবান করুন, তেমন দিন যেন না হয় ।

শ্রুতকীর্তি ॥ যদি হয়, মেরেবাই এ দুর্গ রক্ষা করবে, পুরুষের
শরণাপন্ন হবে না । জয় হয় ভালোই.....হেরে যাই অগ্নিদেব
আছেন ।

সীতা ॥ শ্রুতি, তুই কি বকছিস্ ?.....

মাণ্ডবী ॥ সব তাতেই কি বাড়াবাড়ি ?

শ্রুতকীর্তি ॥ না, দিদি, বাড়াবাড়ি নয়,.....যারা অকারণে আমাদের
মনে আঘাত দিতে পারে, তাদের করুণা ভিক্ষা ভিন্ন,

ধূপের ধোঁয়ায়

সত্যিই কি আমাদের কোনো উপায় নেই ?.....তুমি দেখো, আমি দেখিয়ে দেব খুব উপায় আছে ।.....যারা অভিমানের মান রাখতে জানে না, তাদের পায়ে না ধরলে দিন চলবে না ?.....খুব চলবে ।.....ছোটো ছোটো কাজের ভেতর দিয়ে দেখিয়ে দেব,খুব চলবে । আজ থেকে আমার মহলের সমস্ত কাজ.....সমস্ত কাজের ব্যবস্থা আমি মেয়েদের দিয়ে করাব । আর তাদের সবাইকে ব'লে দেব, যেন কোনো কাজে কোনো পুরুষের কোনো সাহায্য না নেওয়া হয় ।

নকুলিকা ॥ তা হ'লে তোমার মহলে সন্ধ্যা-সকালে সানাই বাজবে না ?

শ্রুতকীর্তি ॥ যদি মেয়ে বাজন্দার পাওয়া যায় বাজবে.....

নকুলিকা ॥ নইলে ?

শ্রুতকীর্তি ॥ বাজবে না ।

নকুলিকা ॥ হাঁড়ি চড়বে না ?

শ্রুতকীর্তি ॥ যদি মেয়ে-মুপকার পাওয়া যায় চড়বে.....

নকুলিকা ॥ নইলে ?

শ্রুতকীর্তি ॥ চড়বে না ।

নকুলিকা ॥ তোমার সখের বাগানে গাছপালায় জল পড়বে না ?

শ্রুতকীর্তি ॥ যদি মেয়ে উত্থান-পাল পাওয়া যায় পড়বে.....

নকুলিকা ॥ নইলে ?

ধূপের ধোয়ায়

শ্রুতকীর্তি ॥ পড়বে না ।

নকুলিকা ॥ তা হ'লে আর এক পা এগিয়ে গাছগুলি সব কেটে
বাগানে শুধু লতা রাখলেই তো ভালো হয় । ব্যাকরণে
বলেছে গাছগুলো সব পুরুষ.....

শ্রুতকীর্তি ॥ হাসি নয়,... . তাই হবে ; আমার বাগানের লতাদের
আর গাছের মুখাপেক্ষী ক'রে রাখব না । যা' বলেছি
তা' করব, যতদূর চালানো যায়, চালাব ; শেষ না দেখে
ছাড়ব না ।

উন্মিলা ॥ মনে থাকে যেন কাল মদন-মহোৎসব.....কন্দর্প-মন্দিরে
যাবি-নে তো ?.....কন্দর্প পুরুষ-দেবতা ।

শ্রুতকীর্তি ॥ যাই-না-যাই দেখতেই পাবে.....

মাণ্ডবী ॥ হ্যাঁ, যখন বিদ্রোহী বলেছে তখন বিদ্রোহী কাকে বলে
তা দেখিয়ে দেওয়া চাই ।

নেপথ্যে ॥ স'রে যাও !.....স'রে যাও !.....হাওয়া-মঞ্জিলে
হুন্মান পড়েছে !.....সাবধান ! স'রে যাও !

উন্মিলা ॥ (সভয়ে) স'রে এস দিদি, স'রে এস !

সীতা ॥ চল্ ভিতরে যাই ।

[সকলের প্রস্থান]

দ্বিতীয় অঙ্ক

প্রথম দৃশ্য

[শ্রুতকীর্তির মহল-সংলগ্ন ‘শ্যামল-আরাম’ নামক পুষ্পবাটিকা ; মাঝে মাঝে ইট-বাঁধানো পথ ; পথের ইটগুলি কতকটা মংশ্রপঞ্জরের ছাঁদে সাজানো, মাঝে মাঝে আবার স্বস্তিকের ছাঁদে বসানো হয়েছে । স্বস্তিকের মাঝ থেকে কোথাও ফিন্‌কি দিয়ে ফোয়ারা ছুটেছে, কোথাও রজনীগন্ধার পুষ্প-দণ্ড উঠেছে । বাঁলে—পদ্মবন, পদ্মবনের মাঝে মাঝে শ্বেতপাথরের পদ্মকলি । দূরে প্রাচীরের ধারে ধারে অশোক, বকুল, চাঁপা, নাগকেশর ও মুচুকুন্দের গাছ । তার কোলে গন্ধরাজ, টগর, রঙন, জুঁই, চামেলী প্রভৃতি । একটা ফুলকরী পাথরের বেদীর উপর একরাশ কৃষ্ণচূড়ার ফুল । নিপুণিকা, কপোতিকা, মুকুলিকা প্রভৃতি তরুণীর দল একটা বকুলগাছের ডালে দোলা বাঁধতে ব্যস্ত ।]

তরুণীর দল ॥

(গান)

চারি চক্ষে যে চেনাচিনি, অরি কিশোরী !

তারে, জীয়াইয়ে রেখ মিনতি করি !

তোরি তরে ঝরোকারে রেখেছে রে খোলা !

সাড়া দাও, পায়জোরে আওয়াজে ভরি’ !

তোরি তরে তরু’পরে বেঁধেছে রে দোলা !

ছুলে যাও, ভুলে চ’লে এস ভ্রমরী !

তোরি তরে সরোবরে ফুটায়েছে ফুল রে !

তুলে নাও, কোনো ছলে পথ বিসরি' !

তোরি তরে অন্তরে জুটায়েছে তুল রে !

যদি চাও দাও ভেঙে সে তুল ওরি !

মুকুলিকা ॥ কি সুন্দর, ভাই, ছাখ, কি চমৎকার ।

সকলে ॥ কি ? ভাই, কি ?

মুকুলিকা ॥ দেখে যা, দেখে যা, ফুলের ফোটা দেখে যা', সন্ধ্যামণির

বন্ধ করা পাপ্‌ড়ি দেখতে দেখতে খুলে যাচ্ছে !

সকলে ॥ ওরে আয় আয়, ফুলের ফোটা দেখ'বি আয় !

(গান)

‘ফুলের ফোটা দেখ'বি কে !’

সাঁঝের পরী যায় ডেকে ।

যেই ইসারায় ঈষৎ শশী

হাসল নীলাকাশ থেকে !

সাঁঝের পরী যায় ডেকে !

আব্‌ছা আলোর উস্‌খুসিয়ে

রসের বেদন উস্‌কে দিয়ে

বাতাস বিভোল,—কুঁড়ির প্রথম

পাপ্‌ড়ি খোলার হাই লেগে !

ধূপের ধোঁয়ায়

ঝুমকো-লতার ঝুরির ডোরায়
অবাক ঝাঁঝি ঝিমিয়ে চায় !
নয় যে কুঁড়ি নয় যে কুসুম
নিৰ্ভর হ'য়ে দেখছে তায় !
পাপিয়া কোকিল উঠছে গেয়ে
ফুল-ফোয়ারার ছন্দ পেয়ে,
বলছে জোনাক আলোর বুলি
ভালোবাসার বোল ঢেকে ।

কপোতিকা ॥ সন্ধ্যা হ'য়ে এল, বা রে ! মালিনী কই ?

নিপুণিকা ॥ আমার ফুলের চোলিটার কি ক'লে কে জানে !

মুকুলিকা ॥ ভারী মজার লোক, যা হোক.....

কপোতিকা ॥ কাল উৎসব, আজ কি আর তার মরবার ফুরসুৎ
আছে ?

নেপথ্যে ॥

(গান)

খাস্ বাগানের ঠাস্ গোলাপে রাশ ক'রে !

বেঁধেছি পরিপাটি এই তোড়াটি বসন্তে উদাস ক'রে !

নিপুণিকা ॥ মরবে কি ?.....অনেককাল বাঁচ বে.....ঐ বে তার
গলা পাচ্ছি-নি ?

[মালিনীর প্রবেশ]

মালিনী ॥

(গান)

খাস-বাগানের ঠাস গোলাপে রাশ ক'রে !

বেঁধেছি পরিপাটি এই তোড়াটি মোমাছি নিরাশ ক'রে ।

এনেছি জুঁয়ের গোড়ে যত্নে গ'ড়ে

ফুলের তোড়ে মস্তে বেঁধে,

এনেছি ফুলের চোলি কলি কলি

বেল্-চামেলি ছন্দে গেঁথে,

গড়েছি ফুলের পাখা ফুল-পতাকা

মালঞ্চ উদাস ক'রে !

কেড়েছি পঞ্চশরের সব ক'টি শর

কিশোর হাসির দাস ক'রে !

কপোতিকা ॥ মালিনী, অ মালিনী !

নিপুণিকা ॥ ফুলের চোলি ? এনেছ তো.....

মালিনী ॥ এনেছি বই কি, সব এনেছি..... শুধু ফুলের-চোলি ?

.....হুঁঃ ! কত রকম ফুলের গয়না এনেছি, তা তো

ছাখনি..... আজ বসন্তোৎসবের সন্ধ্যুৎ,এই আজ

আর কাল.....এই দু'দিন সোনার গয়না গায়ে ঠেকাতেই

নেই, তা বুঝি জান না ?.....

ধূপের ধোঁয়ায়

(গান)

আজ, ফাগুন-দিনে ফুল-গহনা

সোনা না-মঞ্জুর !

কঠিন সোনা আজকে মানা

আজ রাখ তায় দূর !

ফুলের কাঁকন ফুলের মুকুট

(আর) ফুলের রতন-চূড়

ফুলের নূপুর বাজবে নীরব

সৌরভে ভরপুর !

সকলে ॥ আমি নেব.....ফুলের গয়না.....আমি কিনব.....

নিপুণিকা ॥ ক' সুট আছে ? কুলোবে তো ?

মুকুলিকা ॥ বেশ হ'ল ভাই আর শ্রাক্ষরার খোসামোদ করতে
হবে না ।

(গান)

সকলে ॥ আমরা, ডাক্বনা আর ড্যাক্বাকে—

শ্রাক্বাকে !

আমাদের, গয়না হবে নিত্য-নতুন

মালঞ্জে হাজার শাখে ।

ধূপের ধোঁয়ায়

ওরা ছায়নাকো পান, ছায়নাকো বানি,
শুধু, দিয়েই খুসী প্রত্যাশী নয়, জানি খুব জানি ;
আর রইল না ভয় চোর-ডাকাতে
সোনায যারা টাঁক রাখে !

নিপুণিকা ॥ তোর মালঞ্চ-স্টেটের গয়না কত ক'রে পড়বে, ভাই,...
...কি দিতে হবে ?

মালিনী ॥ তাড়াতাড়ি কি, তার জন্তে ব্যস্ত হ'তে হবে না,.....
যা হয় দিয়ে না তখন,.....রাজার মালঞ্চের ফুল, তার তো
আর দাম লাগবে না,.....আমার মজুরি,.....যা' হয়
দিয়ে ।

নিপুণিকা ॥ আমার ফুলের চোলিটা ?.....ওটার জন্তে কি
দিতে হবে ?

(গান)

তরুণীর দল ॥ চামেলির এই কাঁচলি বেচ'বি কি দরে ?

মালিনী ॥ বুনেছি সোহাগ দিয়ে বেচ'ব আদরে !

তরুণীর দল ॥ কি জিনিস্ চাস্ মালিনী ?

মালিনী ॥ সোহাগের সর খালি নিই !

নয়নের নিই আরতি ফুল অধরে !

ধূপের ধোঁয়ায়

তরুণীর দল ॥ না, না, ভাই ঠিক বল না,

মালিনী ॥ তবে চাই কানের সোনা,

দরদী দর ক'রনা কিন্তে সুন্দরে ।

[ফুল নিয়ে তরুণীদের প্রস্থান]

[শ্রুতকীর্ত্তি ও নকুলিকার প্রবেশ]

নকুলিকা ॥ মালিনী ! উদ্যান-পালিকে ! দাঁড়াও ! দাঁড়াও !

শ্রুতকীর্ত্তি ॥ মালিনী এদিকে এস !.....শোনো,.....আমার

মহলে আমি পুরুষের সংস্রব রাখতে চাই-নে.....তুমি

বাগানের সব কাজ করতে পারবে ?

মালিনী ॥ (বিস্মিতভাবে) সব কাজ ?

শ্রুতকীর্ত্তি ॥ হ্যাঁ.....সমস্ত কাজ,.....যাস নিড়ানো, মাটি

কোদলানো, কলম বাঁধা, সার দেওয়া,.....

নকুলিকা ॥ দরকার হ'লে গাছে ওঠা, ডাল বুড়ে দেওয়া, জঙ্গল

কেটে ফেলা.....

মালিনী ॥ কেন, মালী ?

শ্রুতকীর্ত্তি ॥ বল্লম পুরুষের সংস্রব রাখব না.....মালী ছাড়িয়ে

দেওয়া হবে.....

মালিনী ॥ গাছে উঠতে হবে ?গাছ কাটতে হবে ?.....

শ্রুতকীর্ত্তি ॥ হ্যাঁ, হবে.....কতবার বল্বে.....

মালিনী ॥ তা.....আচ্ছা.....আপনি যখন বলছেন.....তখন

ধূপের ধোঁয়ায়

যথাসাধ্য চেষ্টা ক'রে দেখ ব,.....তা সম্প্রতি কি করতে হবে ?

শ্রুতকীর্তি ॥ সম্প্রতি বাগান থেকে সমস্ত গাছ কেটে উড়িয়ে দিতে হবে ;.....অর্থাৎ সংস্কৃতে যাকে বৃক্ষ বলা যেতে পারে সেই সব গাছ কেটে ফেলতে হবে,...লতা গাছ কাটতে হবে না ।

মালিনী ॥ বাগানে ঘোড়দৌড় হবে বুঝি ?

নকুলিকা ॥ না, না, ঘোড়দৌড় হবে কেন.....বুঝতে পারলে না, লতা গাছ মেরে জাতের গাছ কিনা, তাই ওদের কাটা হবে না, বাকী সব পুরুষ গাছ.....তাই সেগুলো সব বাগানের বার ক'রে দেওয়া হবে,.....তা সহজে তো বার করা যাবে না.....তাই অস্ত্রের সাহায্য নিতে হবে.....কেটে উড়িয়ে দিতে হবে ॥

মালিনী ॥ (ঈষৎ একটু ঘোমটা টেনে) গাছ পুরুষ মানুষ ? কি ক'রে জানলেন ?

নকুলিকা ॥ ব্যাকরণ ব'লে এক শাস্ত্র আছে,..... সেই শাস্ত্রে সব লেখা আছে,.....

মালিনী ॥ (প্রণাম ক'রে) শাস্ত্রে বলেছে ?..... তা হ'লে কাটতে হবে বই কি !.....তা এক কাজ করলে হয় না,.....কাঁটা দিয়ে কাঁটা তুলে হয় না,মালীদের তো তাড়িয়ে দেবেন, তা মালীদের দিয়ে গাছগুলো কাটিয়ে নিয়ে তাড়িয়ে দিলেই তো সকল দিকে সুবিধে হয় ।

ধূপের ধোঁয়ায়

শ্রুতকীর্তি ॥ না, না,.....যা বলছি তাই কর ।

মালিনী ॥ যে আজ্ঞা, তাই করব ।.....আচ্ছা, যে সব গাছের
সঙ্গে লতাগুলো জড়িয়ে গেছে সে গাছগুলো কি বাদ
রাখা যাবে !

শ্রুতকীর্তি ॥ লতার পাকগুলো আশু আশু খুলে নিয়ে, তারপর
কোপ লাগাবে ।

মালিনী ॥ লতাগুলোতে বাঁশের ঠেকনো দিতে পারি ?

নকুলিকা ॥ বাঁশ মেয়ে না পুরুষ ?.....আচ্ছা, ব্যাকরণ দেখে
পরে ব'লে পাঠাব,.....এখন যেতে পার ।

মালিনী ॥ (যেতে যেতে ফিরে এসে) কাল মদন-মহোৎসব,
কালকের দিনে অশোক বকুল টাপা গাছগুলো সব কাটব ?
না, কাল বাদে পরশু কাটলে চলবে ?

শ্রুতকীর্তি ॥ না, কালই কাজ শুরু করা চাই, যাও ।

মালিনী ॥ যে আজ্ঞে ।

[প্রস্থান]

শ্রুতকীর্তি ॥ নকুলিকা,... ..বধূনাট্যের দলে খবর পাঠানো
হয়েছে ?

নকুলিকা ॥ হয়েছে.....সন্ধ্যাবেলায় নৃত্যশালায় আসতে ব'লে
দিইছি ।.....কি পালা হবে তা তো ব'লে দেওয়া
হ'ল না ।

শ্রুতকীর্তি ॥ সে হবে এখন ।

নেপথ্যে ॥

(গান)

তোমারে মারলে কে কোন্ বাণে হয় রে
ও বনের পায়রা মোর !

শ্রুতকীর্তি ॥ নকুলিকা ! কে গান গায় ? দেখতো !

নকুলিকা ॥ (নেপথ্যের দিকে এগিয়ে) ও একটা পাখ্যমারাদের
মেয়ে.....এইদিকেই আসছে,ঐ যে কুরঙ্গিকা ওর
সঙ্গে.....এইদিকেই আসছে ।

[একজন শবরী ও কুরঙ্গিকার প্রবেশ]

শবরী ॥

(গান)

তোমারে, মারলে কে ? কোন্ বাণে ? হয় রে !
ও বনের পায়রা মোর !
হায় ! হায় !

বন্ধু ! আমার মেল আঁখি !
জনমের সাথী গো এ তো নয় রাতি !
কেন এই ঘুমের ঘোর !
হায় ! হায় !

ধূপের ধোঁয়ায়

বন্ধু ! আমার মেল আঁখি !

কাকলি করব যে বারনার বোল ধরব
মিলায়ে পাখনা পাখায় !

হায় ! হায় !

সঙ্গী ! আমার মেল আঁখি !

কেবলি, ডাকছি আর, চক্ষের জল মাখছি,
বাতাসে হুতাশ জাগায় !

হায় ! হায় !

বন্ধু ! আমার মেল আঁখি !

শ্রুতকীৰ্ত্তি ॥ এ কে রে কুরঙ্গিকা !.....কোথায় পেলি একে ?

কুরঙ্গিকা ॥ পাখী বেচতে এসেছে,.....দেউড়ীতে বেত্রবতী

আটকেছিল.....আমি অনেক ব'লে ক'য়ে নিয়ে এলুম ।

শবরী ॥ পাখী নেবে গা রাণী ? পাখী ?

(কুরঙ্গিকা ও নকুলিকার পরস্পরে কানে কানে কথা)

শ্রুতকীৰ্ত্তি ॥ কি পাখী ?.....দেখি !পায়রা ?.....পায়রা

কি হবে ? রাজপুরীতে পায়রার অভাব কি ?

শবরী ॥ এ পায়রার অনেক গুণ !

শ্রুতকীৰ্ত্তি ॥ কি গুণ ?.....চিঠি নিয়ে যেতে পারে ?.....সে

রকম পায়রাও এখানে ঢের আছে ।

ধূপের ধোঁয়ায়

শবরী ॥ উহু,.....এ জুড়ি-ভাঙা পায়রা, জুড়িদারের কাছে^১ চিঠি
নিয়ে যায়,.....যাকে মনে ক'রে চিঠি ছাড়বে.....তারি
হাতে পৌছে দেবে ।

শ্রুতকীর্তি ॥ বটে ?.....বটে ?.....এ পায়রা তুই কোথায় পেলি
শবরী ?

শবরী ॥ আমাদের সর্দারের যে সর্দার তার কাছে পেয়েছি ।
তার নাম দুম্নন-কাটারী ।

কুরঙ্গিকা ॥ (চোখ টিপে মানা করলে) অত নাম-ধামের দরকার
কি আমাদের.....কি দাম চাস্ ? তাই বল না ।

শবরী ॥ এই পায়রার ওজনে সোনা চাই ।সর্দার-রাজা
ব'লে দিয়েছে.....তার কমে বেচ'তে মানা আছে.....

শ্রুতকীর্তি ॥ আচ্ছা, তাই হবে,.....নকুলিকা, পায়রার ওজনে যত
সোনা হয়, দিয়ে দিস্ । (প্রস্থানোত্তত)

শবরী ॥ বাস্ ?.....হ'য়ে গেল সওদা ?.....আর কিছু চাই-নে ?
.....আমার ঘরে অনেক রকম জানোয়ার আছে.....

শ্রুতকীর্তি ॥ (একটু ভেবে) আচ্ছা, আপাতত একটা মেয়ে-
কোকিল, একটা মেয়ে-ময়ূর আর একটা মেয়ে-হরিণ এনে
দিস্ ।

নকুলিকা ॥ কেন ?.....তোমার হরিণ, ময়ূর সব কি হল ?

শ্রুতকীর্তি ॥ কি আর হবে ?.....তাড়িয়ে দিয়েছি, উড়িয়ে দিয়েছি,
.....পুরুষ-জন্তু পুষব না,.....ওদের হৃদয় নেই ।

ধূপের ধোঁয়ায়

নকুলিকা ॥ অ !.....বুঝেছি.....তা ছাথ্ শবরী, তুই রাণীজার
জন্তে একটা মেয়ে-হরিণ, একটা মেয়ে-ময়ূর আর একটা
মেয়ে-কোকিল নিয়ে আসবি,.....বুঝেচিস্ তো ?

শবরী ॥ বুঝেচি ।

শ্রুতকীর্তি ॥ নকুলিকা, তোর কিছু ফরমাস থাকে তো, অমনি
ব'লে দে, মেয়ে-জন্তু হওয়া চাই কিন্তু,.....আমি চল্লুম ।

[প্রশ্নান

নকুলিকা ॥ (একটু ভেবে) আমার জন্তে ?.....মেয়ে জন্তু ?
.....নাঃ,.....আচ্ছা, আনিস্ একটা মেয়ে-গরু ।

শবরী ॥ যে ছকুম ।

কুরঙ্গিকা ॥ দাঁড়িয়ে রইলি যে.....পায়রার ওজনে সোনা নেবে ?
... ..সোনা অত সস্তা নয়,.....যাও ছুষমন্-কাটারির কাছে
.....সেইখানে ছ'শো মণ চারশো মণ যা' চাইবে.....তাই
পাবে,.....যাও ।

নকুলিকা ॥ কে পায়রা পাঠিয়েছে ?.....হাঃ হাঃ হাঃ...কে ?...
কে ?.....ভুলে গেলুম !.....কে ?

কুরঙ্গিকা ॥ ছুষমন্-কাটারি.....চমৎকার নাম—

নকুলিকা ॥ বা নামের চমৎকার তর্জমা . . .

উভয়ে ॥ হিঃ হিঃ হিঃ !

[মুখে কাপড় দিয়ে হাসতে হাসতে প্রশ্নান

দ্বিতীয় দৃশ্য

[স্নানাগারের সম্মুখ ; অসংখ্য ধাপওয়ালা একটা সিঁড়ির খানিকটা
দূরত্ব যাচ্ছে, সিঁড়ির মাথা থেকে পাতাল-ঘরে আলো এসে পড়েছে ।
একটা কুলুঙ্গিতে সিঁদুর-মাথানো একটা মকরের পিঠে বক্রগের মূর্তি ;
একটা কুলুঙ্গিতে কতকগুলো ফুল আরেকটাতে একটা কোটো । একজন
যবনী শাল্মী ধনুর্বাণ নিয়ে পায়চারি করছে । স্নানাগারের ভিতর
থেকে দর্পণ, কাজললতা প্রভৃতি নিয়ে চঞ্চল-চরণে চঞ্চরীকার প্রবেশ ।]

যবনী ॥ চিঞ্চিনাটি !

চঞ্চরীকা ॥ (মুখ ভেংচিয়ে) চিঞ্চিনাটি ! পিছনে ডাকছে কেন

বাবুইহাটি ? পাথরের সিঁড়িতে হোঁচট খেয়ে পড়ে মরবে ?

যবনী ॥ মরবে ? না পর্ব, — কাল পর্বদিন ?

চঞ্চরীকা ॥ হ্যাঁ গো, কাল মদন মহোৎসব, — ভালোবাসার পর্ব ।

যবনী ॥ (আকর্ণবিশ্রান্ত হাসি হেসে), ভালোবাসা ?.....ঈরস

.....কি আফ্রোজিনি ?.....মেয়ে কি মরদ ?

চঞ্চরীকা ॥ আমাদের ভালোবাসার ঠাকুর মেয়ে নয়, মরদ, তাঁর

নাম কন্দর্প ।

যবনী ॥ আমাদের যবন-মণ্ডলে ভালোবাসার ভারি দেবতা হচ্ছে

মেয়ে লোক..... তার নাম আফ্রোজিনি,.....হাল্কা দেবতা

ঈরস্ ধনুক নিয়ে বেড়ায়,.....আফ্রোজিনির বেটা ।

চঞ্চরীকা ॥ ধনুক নিয়ে বেড়ায় ?.....সে তো আমাদের কন্দর্প,

.....তোমরা তাকে কি বল ?

ধূপের ধোঁয়ায়

যবনী ॥ ঈরস্ ।

চঞ্চরীকা ॥ কী রস ?

যবনী ॥ (চঞ্চরীকার কাণের কাছে মুখ নিয়ে গিয়ে) ঈরস্ ।

চঞ্চরীকা ॥ ও-রসে আমাদের কাজ নেই, আমাদের কন্দর্পই
ভালো ।.....আবার ভালোবাসার মেয়ে-দেবতা ? তার
নাম কি বলে ?

যবনী ॥ ওর দু' নাম,.....কেউ বলছে আফ্রোজিনি,.....কেউ
বলছে আফ্রোদিতি ।

চঞ্চরীকা ॥ যবনী, তোর কপাল খুলেছে ।

যবনী ॥ (কপালে হাত বুলিয়ে দেখে) কই ?

চঞ্চরীকা ॥ হাত বুলিয়ে কি দেখছিন্স ?... ..তুই দেখতে পাবি-
নি ; আমি দিব্যচক্ষে দেখছি ।

যবনী ॥ (সবিশ্বয়ে মুখের দিকে চেয়ে বোকাটে হাসি হাসতে লাগল)

চঞ্চরীকা ॥ শোন, বলি.....তোদের এই ভালোবাসার মেয়ে-
দেবতার কথা শ্রুতকীর্তি ঠাকুরকে বলতে পারিস্ ?.....
বখশিস্ পাবি ।

যবনী ॥ ছোটো কত্ৰী আমাদের দেবতা পূজবে ? আমরাও
কাল পূজব,.....মিছিল্ বার হবে,.....আফ্রোজিনির
মিছিল.....নৌকায় বার হবে ।

চঞ্চরীকা ॥ কোথায় ? সরযুতে ?

যবনী ॥ না, ফুল-বাড়ীর বিলে ;যত মেয়ে শাস্ত্রী মিলে চাঁদা

ধূপের ধোঁয়ায়

তুলেছি। নৌকা সাজাব.....গেছো পশমের ফুল দিয়ে,
লাল টক্ টক্ ফুল দিয়ে।

চঞ্চরীকা ॥ গেছো পশম ?.....সে কি ?

যবনী ॥ ভারি বড় গাছভারি লাল লাল ফুল !

চঞ্চরীকা ॥ (হেসে) অ ! শিমুল !

যবনী ॥ হুঁ, আমরা গেছো পশম বলি.....আমার দেশে গাছে
পশম হয় না,.....তোমার দেশ ভারি মজার.....গাছে
পশম হয়।

চঞ্চরীকা ॥ তা তো হয় !.....কিন্তু এত ফুল থাকতে শিমুল
ফুল কেন ?

যবনী ॥ লাল.....কলিজার মতন লাল.....কি রং !

চঞ্চরীকা ॥ তোমরা রংই সার জেনেছ,.....গন্ধ ফুল ভালো
লাগে না ?

যবনী ॥ গন্ধ ফুল ?.....হাঁচি হয়,.....সর্দি !

চঞ্চরীকা ॥ শিমুল ফুল ধুয়ে খাওচল্লুম।

[প্রস্থান

[স্নানাগারের ভিতর থেকে সীতা ও উর্শ্বিলার প্রবেশ]

যবনী ॥ (গ্রীক ধরণে অভিবাদন ক'রে কুলুঙ্গি থেকে একটা
কোটা নিয়ে সীতার সামনে ধ'রে) কোটা !.....

সীতা ॥ কোটো ?.....কিসের কোটো ?.....কোথেকে এল ?

যবনী ॥ কিপোম্ ফেলেছে.....

ধূপের ধোঁয়ায়

সীতা ॥ কিপোস্ ? ...কিপোস্ কে ?

যবনী ॥ (মাথা চুলকিয়ে) কিপোস্.....কিপোস্কপি ।

উন্মিলা ॥ কপি ?.....বাঁদর ?.....বাঁদরে ফেলেছে ?.....দেখি
(কোটো খুলে) ভিতরে ভূর্জপত্রে কি লেখা রয়েছে,
.....চিঠি,..... গোড়াটা নেই, বাঁদরে চিবিয়ে খেয়ে
ফেলেছে.....

সীতা ॥ যতটুকু আছে তাই প'ড়ে ছাখ্ না ।.....

উন্মিলা ॥ (পাঠ) পুরোহিত-পরিষদ্ এবং স্বয়ং মহর্ষির এই
অভিমত । এই বায়সাক্রুতি ধুমকেতুর উদয়ে শুধু
রাজ্যেরই যে সমূহ অনিষ্টের সম্ভাবনা তাহা নহে,
অপিচ শ্রীমান্দিগের সহিত শ্রীমতী বধুমাতাদিগের দীর্ঘ
বিচ্ছেদের সম্ভাবনা । এই উভয় অমঙ্গলের নিরাকরণ
জন্য পুরোহিত-পরিষদ্ গ্রহযাগের অনুষ্ঠান করিতেছেন,
তন্নিম্ন মহর্ষি আজ্ঞা করিয়াছেন, যে আগামী বসন্তোৎসবের
পূর্বাঙ্কে কোনো পক্ষকে কোনো কারণ না দর্শাইয়া পৃথক
করিয়া দিতে হইবে । শ্রীমন্মহর্ষি বলেন বসন্তোৎসবের
সময়ে চিরাকাঙ্ক্ষিত আনন্দের পরিবর্তে আকস্মিক ভাবে
তীব্র মানসিক দুঃখভোগ ঘটাইতে পারিলে গ্রহবৈগুণ্যের
খণ্ডন হইলেও হইতে পারে । কিন্তু এ সমস্ত বৃত্তান্ত শ্রীমান্
বা শ্রীমতীদের মধ্যে কেহ যুগাকরেও যেন জানিতে না
পারেন । জানিলে সমস্তই পূণ্ড হইবে । ইতি অঙ্গ-বঙ্গ-

ধূপের ধোঁয়ায়

সিন্ধু-সৌবীর-সোরাষ্ট্র-কাশী-মগধাদি-সমস্ত-সামন্ত-সজ্জ-মৌলি -
মণি-রঞ্জিত-পাদপীঠ অষ্টোত্তর-শত-শ্রীযুক্ত মহারাজ -উত্তর-
কোশল-স্বামী.....

সীতা ॥ আর পড়তে হবে না,.....উন্মিলা !.....

উন্মিলা ॥ (বিষণ্ণ মুখে) দিদি !..... কেন পড়লুম.....কেন
জানলুম..... কি হবে, দিদি !

সীতা ॥ মহর্ষির সমস্ত ইষ্ট-চেষ্টা পণ্ড হ'য়ে গেল.....কিন্তু কাকে
দোষ দেব ?.....তোমায় ?.....না যবনীকে ?.....না যে
বাঁদর এই কোটো ফেলেছে তাকে ?.....কাউকে না,
.....দোষ অদৃষ্টের ।

উন্মিলা ॥ কি হবে দিদি !

সীতা ॥ কি হবে ?.....যা ভবিষ্যৎ.....যা বিধাতার ইচ্ছে ।
.....তুই বিষণ্ণ হ'স্নি উন্মিলা ! মনের বল হারাস্নি,
.....হয়তো ধূমকেতুর অমঙ্গল-সূচনা ধোঁয়াতেই অবসান
হবে ।.....আর যদি তা না-ই হয়..... তাই ব'লে.....
নৌকো ডুবতে পারে ব'লে,.....কে কবে ঝড়ের আগে
নৌকো ডুবায় !

উন্মিলা ॥ (নিরুত্তর)

সীতা ॥ আর তা' ছাড়া আরেকটা কথা ভাববার আছে,....
আমরা ছ'বোনে যা' জেনেছি তার ফল চারজনকে যেন
না ভুগতে হয় । সে সম্বন্ধে সাবধান হ'য়ে চলতে হবে ।

ধূপের ধোঁয়ায়

আমাদের বিষণ্ণ দেখলে, সেই বিষণ্ণতার কারণ জানবার
জন্তে সবারি কৌতূহল হবে, কাজেই ক্রমে.....

[তন্দ্রাবুড়ীর প্রবেশ]

তন্দ্রাবুড়ী ॥ অ!—মা! তোমরা এখানে,.....আর আমি খুঁজে
খুঁজে আলাম!.....

উর্শ্বিলা ॥ কেন আয়ি!

তন্দ্রাবুড়ী ॥ এই ধূম-খেতরের দোষ কাটাবার জন্তে তোমার
স্বাশুড়ী.....সুমিত্রিরের.....মহলে স্বস্তেন হচ্ছে,.....তাই
হোমের ফোঁটা পর্বার জন্তে তোমাদের ডাকছে।

সীতা ॥ চল যাই.....সপ্তভূমক প্রাসাদে তো!

তন্দ্রাবুড়ী ॥ হ্যা গো; আবার কোথা.....(সহসা উর্শ্বিলার
হাতে কোটো দেখে) অ—মা! কি আশ্চর্য্য!.....এ
কোটো তুমি কোথায় পেলে.....হাদে ছাখো, হাদে ছাখো
.....কি আশ্চর্য্য।

সীতা ॥ বাঁদরে বুঝি ফেলেছিল.....এই যবনী কুড়িয়ে পেয়েছে
.....এই মাত্র দিলে.....

তন্দ্রাবুড়ী ॥ কই দেখি দেখি, হ্যা এইত.....এইত বটে। গায়ে
তিন-থাক শঙ্খ-লতা.....এষে সুমিত্রিরের.....এষে তোমার
স্বাশুড়ীর.....আমায় রাখতে দিয়েছিল, দিদি, জিন্মে
ক'রে দিয়েছিল,.....তা' পোড়া বাঁদরের জ্বালায় কি কিছু

ধূপের ধোঁয়ায়

রাখবার যো আছে গা' !.....যদি খোঁজ পড়ে.....আর
খুঁজে না পায়.....তা হ'লে এখুনি অন্তথ করবে।
দাও দিদি দাও !.....তা' ছাথ, দিদি, বাঁদরে নিয়ে
গিয়েছিল বোলো না যেন.....

উন্মিল্লা ॥ ব'লে আর কি হবে।

[সীতা ও উন্মিল্লার প্রশ্নান

তদ্রাবুড়ী ॥ আজ দশ বছর বিয়ে হয়েছে.....চার চারটে বো'য়ের
কারো কি ছেলে হ'তে নেই গা !.....স্বমিত্তিরেকে বলি
যে রাজাকে ব'লে একটা পুৎ-ষষ্টির যগুগি টগুগি করাও,
তা কারো গেরাজ্য হয় না।.....ভালো ছাথায় কি গা ?
চার চারটে বো'য়ের কারো কোলে ছেলে নেই.....রাজার
রাজ্য ব'য়ে যায়.....ভালো ছাথায় কি ? অ্যা ? এই
স্বমিত্তিরেকে মানুষ করলুম.....তার ছেলে নক্ষণকে মানুষ
করলুম,.....এখন নক্ষণের একটি ছেলে হ'লে মানুষ মুন্স
ক'রে দিয়ে যাই। সত্যি কিছু ছেরকাল থাকবনা। তাই বলি
.....বলি, তোমাদেরও তো ঐ পুৎ-ষষ্টির যগুগি ক'রেই
ছেলে হয়েছিল, তা বো'য়েদের বেলাও না হয় সেই যগুগি
করাও, তা কারো গেরাজ্য নেই.....রাজার রাজ্য ব'য়ে
যায়.....ভালো ছাথায় কি গা, অ্যা ?

[প্রশ্নান

ধূপের ধোঁয়ায়

তৃতীয় দৃশ্য

[নৃত্যশালা, সারি সারি পিতলের দীপ-বৃক্ষ, তার ডালে ডালে অন্দের আবরণে ঢাকা দীপ জ্বলছে। দেওয়ালের মাথার কাছে চারিদিকে মৃণালবাহী মরালশ্রেণী অঁাকা রয়েছে, তার নীচে কিন্নর-দম্পতী বীণা বাজাতে বাজাতে যেন শূন্যমার্গে চলেছে। তার নীচে তরঙ্গ-লেখা। পিল্লের পিল্লের-রাগ-রাগিণীর মূর্তি। এক পাশে একটা কাকন দণ্ডে একটা মণিময় ময়ূর। চীনাংশুকে ঢাকা আসন্ধিকা নামক আসনে শ্রুতকীর্ত্তি ও মাণ্ডবী আসীন। পাশে দুখানা আসন খালি রয়েছে। পিছনে চামরধারিণী ও পানের বাটা নিয়ে করঙ্কবাহিনী। সামনে রক্ত-কমলাসনে বধুনাট্যের দল। মৃদঙ্গ, বেণু, বীণা প্রভৃতি যন্ত্র ইতস্তত ছড়ানো রয়েছে।]

শ্রুতকীর্ত্তি ॥ না, না, না,এবার বসন্তোৎসবে ও-রকম ধরণের গান-টান চলবে না। ও ভালোবাসার পালা শুনে-শুনে ঝালাপালা হওয়া গেছে, অত্যা কোনো পালা-টালি থাকে তো বলো।

প্রথমা ॥ ভালোবাসার গান ভালো লাগছে না? প্রেমের পালা পছন্দ নয়? তবে ত মুক্লি! আমাদের এলাকায় প্রীতি ছাড়া যে গীতই নেই। বধু-নাট্যের ভিৎ হ'ল ভালোবাসার গানে।

দ্বিতীয়া ॥ সেইজন্তেই ত সারস্বতমণ্ডলী থেকে আমাদের কাউকে উপাধি দিয়েছে প্রীতিতীর্থ, কাউকে দিয়েছে যত্ন-রত্ন, কাউকে দিয়েছে সোহাগ-ভূষণ।

ধূপের ধোঁয়ায়

তৃতীয়া ॥ রোসো, রোসো !.....আচ্ছা দেখুন, আপনারা প্রেমের ছাড়া আর কোনো পালা যদি শুনতে চান, তবে আমার মামা মশায়ের তৈরি একটি নতুন পালা শোনাতে পারি। মামা মশাই আমার কবিও বটেন, আবার কবিরাজও বটেন। সেইজন্তে তিনি কবিত্তে এবং কবিরাজত্বে মিলিয়ে যে নাটকটি রচনা করেছেন, তার নাম হচ্ছে ‘আধি-ব্যাধি-ওষধি-চম্পু’..... তাতে গড়ে-পড়ে সমস্ত টোটকা ওষুধের সঙ্গে আধি-ব্যাধির বুকের কথা পালার আকারে লেখা হয়েছে ;.....পালাটি জ্ঞাতব্য তথ্য একেবারে টইটস্থুর.....আজ্ঞে করেন তো.....

মাণ্ডবী ॥ না, আমাদের ঘুঙ্ড়ি-কাশি হয়-নি, অন্য কিছু থাকে তো বলো.....

তৃতীয়া ॥ আজ্ঞে, বিড়ে-ডুগ্‌ডুগি মশায় এ পালা পড়ে খুব.....

মাণ্ডবী ॥ তা হোক বিড়ে-ডুগ্‌ডুগি মশায়ের বুলিতে ভালুক নাচতে পারে, মানুষে নাচে না।

চতুর্থী ॥ আজ্ঞে আমাদের পাড়ার তর্কচর্কী মশায়ের তৈরি একটি মানুষের মতন পালা আমার মুখস্থ আছে ; যদি শোনেন তো গাই.....সেটি একটি দার্শনিক পালা.....তার নাম হচ্ছে ‘তত্ত্ব-তাণ্ডব’ বা ‘সর্বতত্ত্ব-সংঘট্ট-ঘটোৎকচ্‌কচি’..... এতে সর্বতত্ত্বের সারমর্ম নাট্যাকারে গ্রথিত করা হয়েছে। এতে বিশ্বতত্ত্ব, নিঃস্বতত্ত্ব, শব্দতত্ত্ব, অর্থতত্ত্ব, অলঙ্কার-

ধূপের ধোঁয়ায়

তত্ত্ব, স্বর্ণকার-তত্ত্ব, সমাজতত্ত্ব, প্রত্নতত্ত্ব, অশ্বতত্ত্ব,
ডিষ্ট্রিক্ট... .

মাণ্ডবী ॥ বাস্, বাস্ ...তত্ত্বের গর্ভে জ্যোন্তে কবর হ'য়ে গেল
দেখছি! থামো, থামো

পঞ্চমী ॥ ওগো থামো না, জানি তোমার পালা পছন্দ হবে
না! (এগিয়ে এসে) আচ্ছা, দেখুন, আপনাদের সদুপদেশ-
পূর্ণ উপাদেয় পালা শুন্তে আপত্তি আছে কি?

মাণ্ডবী ॥ কত আর 'না, না' করা যায়.....

শ্রুতকীর্তি ॥ আচ্ছা, শোনাও.....(কাঁধের উপর দিয়ে পিছনে
হাত বাড়িয়ে পান নিলেন)

পঞ্চমী ॥ আমাদের এই পালাটির নাম “ভুবনের মাসী” বা
“কর্মদোষে কর্ণ-কর্তন”; প্রস্তাবনাটা একটু শুনুন,—

(সুরে)

ভুবন নামেতে ব্যাদ্ড়া বালক
তার ছিল এক মাসী,
আহা, ভুবনের দোষ দেখে দেখিত না—
সে মাসী সর্বনাশী!

ক্রমে, কলাচুরি মূলোচুরি ক'রে বাড়ে
ভুবনের আঙ্কারা,

ধূপের ধোঁয়ায়

চোর হ'তে পাকা ডাকাত হ'ল সে
ব্যাবসা মানুষ-মারা !

শেষে, ধরা পড়ে গেল বিচার হইল
ভুবনের হবে ফাঁসী,
হাউ হাউ কেঁদে লাড়ু মুড়ি বেঁধে,
ছুটে এল তার মাসী ।

তখন, মাসীরে ভুবন দেখে বলে “শোন্
কথা আছে কাণে কাণে,
আহা ! কাছে গেল মাসী বোন্পোর মনে
কী আছে কিছু না জানে !

জগৎ স্তব্ধ সহসা শব্দ
হইল কটাস্ ক'রে,
কেটে নেছে কাণ মাসীর ভুবন
ডাকাতে-দাঁতের জোরে !

ফাঁসীর কারণ মাসী কাঁদে, আর
উপদেশ পাই মোরা,
আস্কারা পেলে তঙ্কর হয়
রাঙ্কেল বোন্পোরা !

ধূপের ধোঁয়ায়

মাণ্ডবী ॥ জাখো বাপু, আমাদের চার বোনের মধ্যে কারো
বোনপো নেই, এ উপদেশ নিয়ে আমরা কি করব?
আচ্ছা এ কি তুমি নিজে লিখেছ?

পঞ্চমী ॥ আজ্ঞে, না, মৌলিকতার দাবী করি-নে, অত্থের রচনা
নাট্যাকারে গ্রথিত করি।

মাণ্ডবী ॥ ভবিষ্যতে আর পরের এলাকায় অনধিকার প্রবেশ
ক'র না, ফাঁড়িতে পাঠিয়ে দেবে।

শ্রুতকীর্তি ॥ নাঃ, ভেবেছিলুম বধূনাট্যের দলটাকে চাঙ্গা ক'রে,
মেয়েদের দিয়ে শিল্পসাধনায় একটা নতুন মোচাকৃ সৃষ্টি
করব.....কিন্তু ক্রমশঃ হতাশ হ'য়ে পড়তে হচ্ছে.....

ষষ্ঠী ॥ না, না, হতাশ হ'য়ে পড়বেন না,আপনাদের কাছ
থেকে আমরা অনেক আশা করি। আচ্ছা আরেকটি
জিনিস আপনাদের শোনাই,এ পালা শুন্লে হতাশ
প্রাণে আশার সঞ্চার হয়। এ পালায় আচারপরায়ণা
আচার্য্যানীদের একটি বিশেষ বাণী বিঘোষিত হয়েছে,
এটি আমাদের গাইস্থ্য পবিত্রতার সনাতন সঙ্গীত,.....
পালাটির নাম হচ্ছে শ্রীশ্রীগোবর-মঙ্গল! (অন্যান্য সভ্যদের
প্রতি) ধর না ভাই, সকলে মিলে শোনাই।

(গান)

জয় জয় শ্রীগোময়! গোলোকে বসতি হয়,
শুচি তুমি শুচিতার সেতু!

ধূপের ধোঁয়ায়

বৈকুণ্ঠের গোবরাটে গোবরিয়া পোকা হাঁটে

গায়ে তার গোময় যেহেতু !

বধূনাট্যের দল ॥ হায় রে, গায়ে তার গোময় যেহেতু !

ষষ্ঠী ॥ সৃষ্টি আগে বৃষরূপে ধর্ম নাদিলেন চুপে

সেই নাদে সৃষ্টির পত্তন,

সংসার হইল তাই ষাঁড়ের গোবর ভাই

অকেজো অথচ অকারণ !

বধূনাট্যের দল ॥ হায় রে, অকেজো অথচ অকারণ !

ষষ্ঠী ॥ গোবর অমূল্য ধন ধরিলেন গোবর্ধন

নন্দের নন্দন নিজকরে ;

গোবরে যে ঘেন্না করে, গোভূতে তাহারে ধরে,

হয় সেই ল্যাজে ও গোবরে ।

মাণ্ডবী ॥ বাস্, বাস্, আর গাইতে হবে না.....খামো,.....

এ যে দেখছি.....

উপদেশ-পুঁটুলির পুঁটিরাম কবি ।

গড়েছে গোবর দিয়ে বাগ্‌দেবীর ছবি ।

বধূনাট্যের দল ॥ (বিস্মিতভাবে মুখ-চাওয়া-চাওরি করতে লাগল)

মাণ্ডবী ॥ এ সকড়ি-ঘরের পালা নাচবরে কেন ?

ধূপের ধোঁয়ায়

শ্রুতকীর্তি ॥ নাঃ জন্মে না, জন্মে না, (পিছন না ফিরে কাঁধের উপর
দিয়ে পান নিয়ে) । কেন দিদি আজ জন্মে না বল তো ?
মাণ্ডবী ॥ জন্মে কি ?—

বচনের বীণ্কার বীণ্কারী কই তার ?

মরমের তরফের তার বাজে কই ?

গরজের বাজনা এ, খোঁজে শুধু খাজনা এ,

ভালুকের নাচনা এ, এতে রাজি নই ।)

শ্রুতকীর্তি ॥ নাঃ জন্মে না, অত্ৰ কোনো ভালো পালা নেই ?

প্রথমা ॥ আছে বই কি, ভালো ভালো পুরোণো পালা আছে,
যেমন লক্ষ্মী-স্বয়ম্বর, সমুদ্র-মস্থন, মাতৃকা-মঙ্গল বা কাণ্ডিকের
জন্ম, রুক্মির জয় বা পুরুষ-সাবিত্রী ।

শ্রুতকীর্তি ॥ এমন পালা নেই বাতে সব স্ত্রীলোক, পুরুষের
নাম-গন্ধ নেই ?

দ্বিতীয়া ॥ আজ্ঞে,অভিনয় বারা করবে.....তারা সবাই
স্ত্রীলোক,কিন্তু পালাতে পুরুষ আছে বই কি ; তবে,
সে সব ভূমিকাও আমরাই গ্রহণ করব । মেয়েরা পুরুষ সাজবে ।

শ্রুতকীর্তি ॥ না, না, আমি ও-রকম চাইছি-নে,ও-রকম
চাই-নে,নাঃ জন্মে না, জন্মে না ।

[নকুলিকার প্রবেশ]

শ্রুতকীর্তি ॥ কই ? দিদি এলেন না ?

নকুলিকা ॥ না, তাঁর শরীর একটু অসুস্থ হ'য়ে পড়েছে, তিনি
আসতে পারবেন না ।

শ্রুতকীর্তি ॥ শরীর অসুস্থ নয়,মনে সুখ নেই,তাই
এলেন না,আমি বুঝেছি ।

মাণ্ডবী ॥ উন্মিলার কি হ'ল ?

নকুলিকা ॥ সীতাদেবী একলাটি আছেন, সেইজন্তে তিনি তার
কাছে রয়েছেন ।

শ্রুতকীর্তি ॥ নাঃ আজকে আর জন্মে না, সব মাটি.....
সকল রকমে মাটি.....সব মাটি ।

[প্রস্থান

মাণ্ডবী ॥ (ছোটো গলায়) নকুলিকা, শ্রুতির অবস্থা দেখলি ?
.....ও বাইরে কারুকে জানতে দিচ্ছে না, কিন্তু ভিতরে
ভিতরে ওর মন কাঁদতে শুরু ক'রেছে ।

নকুলিকা ॥ ওঁর একলার নয়, অনেকেরই মন কাঁদতে শুরু
ক'রেছে । এই বসন্তকাল.....চাঁদনী রাত.....এমন
রাতে একলাটি ;এক রকম ভালো.....বসন্তে নিশ্চ-
ভোজন ।

[মাণ্ডবী ও নকুলিকার প্রস্থান

প্রথমা ॥ আজ আমরা কার মুখ দেখে বেরিয়েছিলুম, কে জানে,
কারুকে খুসীও করতে পারলুম না, নিজেরাও খুসী হওয়া
গেল না ।

ধূপের ধোঁয়ায়

দ্বিতীয়া ॥ রাজবধূদের প্রসন্ন হাসিটুকুও আজ পাওয়া গেল
প্রশংসা-ভিখারীর হাত-পাতাই সার।

তৃতীয়া ॥ সব ভিখারীরই এক দশা ।

সকলে ॥

(গান)

(ও তুই) ব্যাকুল হ'য়ে বাড়ালি হাত দান পাবি বলি !

(দেখি) ফিরল যে তে ন আপন বুকেই শূন্য অঞ্জলি !

(তোর) বাজল সারং বিফল গানে,

(হার) ধরল না রং কারু প্রাণে,

(শেষে) চোখের জলের বন্যা প্রবল রইল কেবলি !

তৃতীয় অঙ্ক

প্রথম দৃশ্য

[পুষ্পবাটীকার অপর অংশ, দূরে কন্দর্প-মন্দির ছাথা যাচ্ছে। মন্দিরের গায়ে চকাচকি, হংস-হংসী, ময়ূর-ময়ূরী, কপোত-কপোতীর আধ-খোদাই নক্সা। পাশে ঝিল, ঝিলে ল দিয়ে সাজানো একখানা নৌকো। এদিকে মাধবী-লতা-জড়ানো ঝাল গাছে একটা ফুল দিয়ে সাজানো দোলা ঝুলছে। মুকুলিকার পিছন পিছন বল্লরীকার প্রবেশ।]

বল্লরীকা ॥ স্বজনী ! শোজ্‌নে কুঁড়ি !

মুকুলিকা ॥ কি স্বজনী বড়াই-বুড়ী !

বল্লরীকা ॥ দেব গায় ফাগের গুঁড়ি !

মুকুলিকা ॥ ফকুড়ি ফের ? বটে ?...বটে ?

বল্লরীকা ॥ দিই না দু'টি আজ কি চটে ?

মুকুলিকা ॥ দিস্‌খুনি সেই সন্ধ্যাবেলা,

জমবে যখন লোকের মেলা।

বলি হ্যাঁলা ! রকম কিলো ?

বল্লরীকা ॥ রকম কি আর ? দুঃসমাচার

হুতুম্-খুমোর হুম্‌কি এলো !

মুকুলিকা ॥ সে কি রকম ?

বল্লরীকা ॥ বন্ধ এবার বকম্-বকম্ ।

ধূপের ধোঁয়ায়

মুকুলিকা ॥ হেঁয়ালি রাখ্.....বল্না খুলে !

বল্লরীকা ॥ ঢাখ্না নিজের চক্ষু তুলে !

কুড়ুল নিয়ে আস্ছে কারা

অশোক বকুল শিরীষ পারুল

সব গাছেরই দফা সারা !

মুকুলিকা ॥ কাটবে না তো দোলা-সমেত তমালটাকে ?

বল্লরীকা ॥ চল্ দেখিগে দাঁড়িয়ে ফাঁকে ।

[অন্তরালে গমন]

[মালিনী ও স্ত্রীবেশে মালীর প্রবেশ]

মালিনী ॥ শিগ্গীর সেরে নাও, এখুনি ছোটো কত্ৰী এসে পড়বে
.....মুন্সিল হবেএই গাছটা এই গাছটা ।

মালী ॥ তুইওতো আচ্ছা লোক দেখ্ছিআজ পূজোর দিনে
.....দেবতার চোখের সামনে..... জ্যান্ত গাছটাকে প্রাণে
মার্ব ?.....ছোটো কত্ৰী তোকে বলেছে..... তুই কাট না,
আমার তো চাকরী এম্‌নেও থসেছে, অম্‌নেও থসেছে ।

মালিনী ॥ হ্যাঁগা আমি কি পারি ? .. . আমি হলুম নারী.. ...
যাতে জোরের দরকার সে কাজ কি আমাদের দিয়ে হয় ?

মালী ॥ আ তোমার মুখে (জিভ কেটে) বেগুন ! ছোটো
কত্ৰীকে কাল সে কথা বলিস্-নি কেন ?... গুর কথায়
আমি দেবতার গাছ কাটি.....নিজের পায়ে কুড়ুল মারি,

.....বলি দেবতার কোপে পড়ে শেষে এই বুড়ো বয়সে
কি আবার বিয়ে করব নাকি ?

মালিনী ॥ তা হ'লই বা, বলে, ভাগ্যমানের.....আমরা মরি !

মালী ॥ তুই কি আমার ভাগ্যমানি ঠাওরালি র্যা ?

মালিনী ॥ পুরুষ মানুষ সবাই ভাগ্যমান.....ভাগ্য ওদের
ল্যাজে বাঁধা !

মালী ॥ না নাঃ, শেষে কি সত্যি তোকে হারাব ? কেন তুই সং
সাজিয়ে এখানে নিয়ে এলি ?

মালিনী ॥ আহা, না কাটো, দুটো কোপ দিয়ে রাখনা, ছোটো
কর্তীর চোখে পড়ুক, কাজ ঢাখানো নিয়ে বিষয় ।

মালী ॥ নাঃ, তোর সাহস থাকে তুই কাট ।

মালিনী ॥ আহা বড় কথাই বল্লেন, উনি দেবতার মন্দির ভয়
রাখেন, আমি তো রাখি-নি !.....আর, তোমার কাজ
আমাকে কখনো সাজে !

মালী ॥ কেন ?..... তোমার সাজটা আমার দিবা সাজল, আর
আমার কাজটা তোমার সাজবে না ? না-হয় উড়ে-
সুন্দরীদের মতন মালকোঁচা মারো !

মালিনী ॥ বচনের খোঁচা দিতে খুব মজবুত, কাজের বেলায় ঢু ঢু !

মালী ॥ ওরে ! আর কোঁচাও দিতে হবে না, খোঁচাও খেতে হবে
না, এইবার সিঁধে চোঁচা দিই চ'.....কারা আসছে.....

মালিনী ॥ তা এলই বা,.....চোঁচা দিতে যাব কেন ?

ধূপের ধোঁয়ায়

মালী ॥ তা নইলে এই চৌচের মতন মোচের বাহার দেখলেই
‘হুড়ো জ্বলে এখনি বোঁচা ক’রে ছেড়ে দেবে,দিই
চৌচা.....আমা-হ’তে ও-কাজ আজ কিছুতেই হবে না ।

মালিনী ॥ থবরদার, ঘোমটা টেনে দাও পালিয়ে না ।

[বল্লরীকা ও মুকুলিকার প্রবেশ]

বল্লরীকা ॥ মালিনী, এ আবার কে লো ?

মালিনী ॥ ও নতুন মালিনী ।

মুকুলিকা ॥ বাস্ রে !.....এ যে বোম্বাই মালিনী !

মালিনী ॥ বোম্বাই কি ?.....ও আমার সম্পর্কে (চোক গিলে)
বোন্ হয়,দিদি ।

বল্লরীকা ॥ দিদি কি লো, মরদ মরদ ঠেকছে যে !

মালিনী ॥ তা’ মেয়ে-ছেলেকে মরদের কাজ করতে হ’লে অমন
একটু ঠেকবে বই কি ; ছোটো কর্তীর হুকুম তো
জান না, তা মেনে চললে, ক্রমে আমাদেরও গাঁফ বেরবে ।

মুকুলিকা ॥ তা’ হ্যাঁ ভাই, তোর দিদিকে মরদের কাজ করতে
হয় কেন ?

মালিনী ॥ অ-মা !.....তা জাননা ?.....ওর যে হট্টমালার দেশে
বিয়ে হয়েছে,সেখানে গাই-বলদে চষে কিনা, তাই ।

বল্লরীকা ॥ তা ভাই, আমরা মেয়েছেলে আমাদের দেখে তোর
দিদি ঘোমটা দিচ্ছে কেন ?

মালিনী ॥ (নিরন্তর)

মালী ॥ (সলজ্জ অঙ্গভঙ্গী) ✓

মুকুলিকা ॥ ভাই বোম্বাই মালিনী, ঘোমটা খোলো,তোমায় দেখি,.....ভাব করবে না ?.....সে কি ভাই (ঘোমটার টান দিয়ে).....ওঃ সাবাস্ ! বোম্বাই মালিনীর গৌফ বে রে !

বল্লরীকা ॥ মেয়ে-ছেলের গৌফ কি লো ?.....বলি হ্যাঁ মালিনী !

মালিনী ॥ চুপ্ ! চুপ্ !.....গোল করে কি বোন্ ? দিদি আমার লজ্জা পাবে ;.....তা জান না, দিদির ঐ তো রোগ ! কত কবরেজ কত বড়ি দেখলে.....কিছুতেই কিছু হ'ল না।তা' সেদিন ওদের গাঁয়ে একজন সরাসী এসেছিল, সে একটি মাছুলি দিয়ে গেছে,.....মধুপূর্ণিমের দিন সরযুর জলে ডুব দিয়ে সেই মাছুলি ধারণ করলে নাকি ভালো হয় ; তাইতো আমার এখানে এসেছে,নইলে ওদের কিসের দুঃখ,বলে, গোয়াল-ভরা গাই, গোলা-ভরা ধান, গা-ভরা গয়না।— তা এখন চল্লুম ভাই,আজ আবার ক' দেড়ের পর বুঝি পূর্ণিমে ছেড়ে যাবে, তার আগে নাইয়ে নিয়ে আসিগে,চল দিদি, চল, নাইবার জোগাড় দেখিগে।

[একদিকে মালী ও মালিনী আর

অন্যদিকে মুকুলিকা ও বল্লরীকার প্রস্থান

ধূপের ধোঁয়ায়

[সাজিতে ফুল নিয়ে জনকয়েক তরুণীর প্রবেশ]

প্রথমা ॥ চল্ ভাই, এইবেলা পূজো দিয়ে আসি !এখনি
ভিড় হ'য়ে পড়বে ।

দ্বিতীয়া ॥ পুরুং এসেচে ?

তৃতীয়া ॥ এ পূজোর আবার পুরুং কি ?.....আমরাই পুরুং !

সকলে ॥ (গান)

আমায়, অশোক ফুলের রূপটি দাও !

মদন ! সদয় নেত্রে চাও !

মল্লিকারি মনোহরণ

মস্ত্র শিখাও, কিশোর-শরণ !

নীলোৎপলের কাজল দিয়ে দৃষ্টি ছাও !

আমের মুকুল আকুল আশা

সফল কর ভালোবাসা

অরুণ অরবিন্দ হিয়ায় রস ঘনাও !

মদন ! সদয়-নেত্রে চাও !

[মন্দিরের দিকে গমন

[একদিকে মুকুলিকা, বল্লরীকা আর অন্যদিকে নিপুণিকা

ও তরঙ্গিকার প্রবেশ]

বল্লরীকা ॥ এই যে, লোক আসতে শুরু হয়েছে ।

ধূপের ধোঁয়ায়

নিপুণিকা ॥ ওলো, এর গায়ে দে, এর গায়ে দে,

মুকুলিকা ॥ আরে না, না, আমার না.....ছিঃ.....দিলে ?
নেহাৎ দিলে.....দাও.....আল্কাৎরা-টাৎরা দিরোনা
কিন্তু.....

সকলে ॥

(গান)

যদি, নেহাৎ দেবে তবে না হয় বরং
দাও আবীর চুলে গায়ে বাসন্তী রং ।

যদি ফাগুন লাগে

(প্রাণে ফাগুন লাগে)

তবে রঙীন ফাগে

সবে, রাঙাও সখী ! প্রাণে বাজাও সারং !

মুকুলিকা ॥ আরে বাস্ বাস্,হয়েছে.....হয়েছে.....সব রং
এখনি খরচ ক'রে ফেল্লে যে.....

তরঙ্গিকা ॥ রঙের অভাব কি ?.....রাজবাড়ীর দৌলতে কাজ্ লা
দীঘি আজ এতক্ষণ আবীরের ঠেলার লালদীঘি হ'য়ে
উঠ্ ল.....

মুকুলিকা ॥ ঐ জ্যাখো.....ওরা আবার কারা.....

[কপোতিকা ও সুপর্ণিকার প্রবেশ]

তরঙ্গিকা ॥ এমন দিনে ধব্ধবে কাপড় প'রে বেরিয়েছ ?.....
তোমাদের সাহস ত কম নয় ?.....তোমরা কে গা ?.....

ধূপের ধোঁয়ায়

কপোতিকা ॥ আমরা কপোত কপোতী.....

মুকুলিকা ॥ তোমরা বোবা পাগরা নাকি ?

কপোতিকা ॥ শুন্বে—বকম্-বকম্ ?

(গান)

আমি তোরে খুব—খুব—

খুব ভালোবাসি নো বাসি !

দিয়ে তোরি রূপে ডুব,

অপরূপ স্বপনে ভাসি !

তনু হল ঘুম ঘুম,—

মনোভব-কুসুম,—

অনুভবে রুম্‌রুম্ অধরে হাসি !

[উভয়ের মন্দিরের দিকে প্রস্থান]

নিপুণিকা ॥ ওরে, ওদের গায়ে রং দেওয়া হ'ল না ? চলে

গেল যে.....

তরুণিকা ॥ ওদের পর খারাপ হ'য়ে যাবে,.....যাক্ গে.....

নিপুণিকা ॥ আ-হা-হা-হা ফট্কা পাগরা ক'রে ছেড়ে দিতে হয় ;

.....বাঃ ! আবার কারা আসে রে.....

[কুসুমিকা ও ফুল্লরিকার প্রবেশ]

গলা-ধরাধরি ক'রে তোমরা আবার কেগো ?

কুসুমিকা ॥ আমরা একবৃন্তে দুটি ফুল.....

(গান)

আমরা দু'টি স্বর্গ লুটে মর্ত ভরেছি !
অনুরাগের পরাগ পরিবর্ত করেছি !
ফুটেছি এক বৃত্ত 'পরি,
বিভোল্ বাতাস উদাস্ করি,
পরিমলের আমরা পরী মূর্তি ধরেছি !
পরস্পরে পরশ করি'
পরশ-মণির ক্ষোভ পাশরি,
জীবন-মরণ প্রেমের সাধন সত্ত্ব করেছি !

নিপুণিকা ॥ ওরে এদের ছাড়িস্-নি.....দে, দে,রং দে.....
কুসুমিকা ॥ ফুলের গায়ে আর রং দিয়ে কি হবে.....আমরা
অম্মনিতেই রঙীন.....

[গাইতে গাইতে মন্দিরের দিকে প্রস্থান]

নিপুণিকা ॥ ওঃ ধূম লেগে গেছে.....আবার কারা আসছে.....
ওরে, মদনিকা মদন সেজেছে.....হাতে ফুলের ধনুক.....

[মদন-রতির বেশে মদনিকা ও আরাত্রিকার প্রবেশ]

তরঙ্গিকা ॥ মাথায় ফুলের মটুক.....তোমরা কে গা ?.....যেন
চেন চেন করছি..... তোমরা কে ভাই ?

ধূপের ধোঁয়ায়

মদনিকা ॥ যারা, কুসুম-শরে পাগল করে আমরা সেই
আরাট্রিকা ॥ মোদর, সকল কথা ব্যক্ত হবে সঙ্গীতেই....

উভয়ে ॥

(গান)

আমরা, কথা বলি শুধু বাঁশিতে !
করি কানাকানি মন-জানাজানি
মল্লিকা-ফুল-রাশিতে
অঙ্কুরে মোরা মুঞ্জরি,
নয়নে নয়নে গুঞ্জরি,
আমরা, নিখিল হিয়ায় হিন্দোলে তুলি
চির ভালোবাসা বাসিতে !
কুসুম ধনুর গুণ টেনে
মরণের বৃকে বাণ হেনে
জীবনেরি জয় লিখে দিই নিতি
চামেলি চাঁদের হাসিতে !

নিপুণিকা ॥ রং দে.....রং দে.....

মদনিকা ॥ সাবধান ...বাণ মার্ব !

তরঙ্গিকা ॥ মারো.....আজ বাণ খেতেই তো বেরিয়েছি ।

সকলে ॥ মারো বাণ, করো মানা, তা ব'লে কি রং দেব না ।

[হুড়োহুড়ি করতে করতে সকলের মন্দিরের দিকে প্রস্থান]

ধূপের ধোঁয়ায়

[প্রজাপতির বেশে পতঙ্গিকার প্রবেশ]

পতঙ্গিকা ॥

(গান)

আমি, গোপনে এসেছি স্বপনে ভেসে !
পশেছি না জেনে ফুলেরি দেশে !
হেথা, চামেলি মালতী চাঁপারে দেখে
শেষে যে অশোকে গিয়েছি ঠেকে,
এঁকে গেছে বৃকে ছবি নিমেষে,
কেমনে রহি রে ভালো না বেসে !
নীরবে বুয়েছি ছুঁয়েছি চুপে
ডুবেছি ডুবেছি ডুবেছি রূপে
ডুবে ভেসে গেছি সুরেরি রেশে
প্রাণেরি গানেরি তানেরি শেষে !

[মন্দিরের দিকে প্রস্থান]

[মদনিকা, আরাত্রিকা, নিপুণিকা প্রভৃতির পুনঃপ্রবেশ]

নিপুণিকা ॥ ওরে এইবারে দে রংওর পাকাটির বাণ ফুরিয়ে
গেছে, তুণ খালি—

তরঙ্গিকা ॥ বাণ মেরে ভারি উত্তম-ফুস্তম্ করা হয়েছে, না—
রোসো—এই যে—এই যে—

ধূপের ধোঁয়ায়

সকলে ॥

(গান)

ও যে, সকল হিয়া বেঁধে কুসুম-শরে—

ওরে, সবাই মারো সেই কাঁকন-করে ।

ওর আবীর লোহ

ওর রঙীন মোহ

মুহ পড়ুক ঝ'রে ঝ'রে ভুবন 'পরে ।

[সকলের প্রস্থান]

[শ্রুতকীর্তি ও নকুলিকার প্রবেশ]

শ্রুতকীর্তি ॥ আর বছর এই বসন্তোৎসবের দিনে, আকস্মিক
আনন্দে, দিনের বেলাতেই অকাল-জ্যোৎস্নার ব্রত করেছিলুম
.....তিমিধ্বজের পৌত্র নক্ৰধ্বজকে পরাস্ত ক'রে সেদিন
ওরা হঠাৎ নগরে ফিরল.....ফেরবার কোনো সম্ভাবনা
ছিল না.....আর এবার.....

নকুলিকা ॥ এবার সবাই মিলে অকাল বাদলের ব্রত করছি.....
হঠাৎ সব অন্ধকার হ'য়ে গেছে !উৎসবটা একেবারে
অপৌরুষের হ'য়ে উঠেছে.....পুরুষের নাম-গন্ধ নেই ;
অর্ধেক সম্রাটের সঙ্গে তপোবনে.....অর্ধেক কুমারদের
সঙ্গে নিরুদ্দেশ !.....একলা মেয়েরাই এবার এক হাতে
উৎসবের তালি বাজাবার চেষ্টায় আছে । ...ভালো কথা

ধূপের ধোঁয়ায়

শবরী অনেকক্ষণ দাঁড়িয়ে আছে.....ওর হরিণ কি রাখা হবে ?

শ্রুতকীর্তি ॥ না, না, ও হরিণ ফিরিয়ে দে,ও আমার চাই-নে,ওর শিং নেই, কোনো বাহারই নেই.....

নকুলিকা ॥ মেয়ে-হরিণ আনতে বলা হয়েছিল যে, মেয়ে-হরিণের শিং হয় বুঝি !ময়ূরটা ? রাখব ?

শ্রুতকীর্তি ॥ না, না, ও পেখম ধরে না, ছাড়া-বোঁচা,বিশ্রী.....

নকুলিকা ॥ মেয়ে-ময়ূর বুঝি পেখম ধরে ?.....কোকিলটা ?.....ওটা থাককি বল ?

শ্রুতকীর্তি ॥ তুই যে বলছিস্ ও ডাকবে না,না ডাকে তো পুষে কি হবে ?

নকুলিকা ॥ মেয়ে-কোকিল কোনো পুরুষেও ডাকবে না ! কেবল ক্যার ক্যার করবে, কুহুধ্বনি ভুলেও করবে না ।

শ্রুতকীর্তি ॥ তা তো আগে বলিস্-নি ।

নকুলিকা ॥ তুমি যে কোনো পুরুষ জানোয়ার পুষবে না.....তা' ব'লে কি করব ?

শ্রুতকীর্তি ॥ যাক্গে,আচ্ছা তুই যে কি আনতে দিয়েছিলিএনেছে ?

নকুলিকা ॥ হ্যাঁ এনেছে । একটি মেয়ে-গরু আনতে দিয়েছিলুম, তা এনেছে,তোমার মেয়ে-ময়ূর পেখম ধরবে না, মেয়ে-

ধূপের ধোঁয়ায়

কোকিল গান করতে পারবে না, কিন্তু আমার মেয়ে-গরু
দিব্যা দুধ দেবে।

শ্রুতকীর্তি ॥ যা তুই ! (নেপথ্যের দিকে চেয়ে) ছি, ছি, ওদিকের
গাছগুলো কেটে বাগানটা বড় বিস্তী দেখতে হয়েছে !

নকুলিকা ॥ তা' কি করবে বল !ব্যাকরণে গাছকে যে পুরুষ
বলেছে ;

শ্রুতকীর্তি ॥ তুই যা' . . আর জ্বালাসু-নে !

নেপথ্যে ॥ (গান)

নীল সিন্দুর সিত পঙ্কজিনী !

জয় ! জয় ! জয় দেবী ! আফ্রোজিনি !

নকুলিকা ॥ ঐ দেখ তোমার মনের মতন মিছিল বেরিয়েছে,
যবনীরা ওদের মেয়ে-কন্দর্পকে নোকোয় নিয়ে গান গাইতে
গাইতে আসছে।.....ঐযে নোকাখানার ঢাকনি প্রকাণ্ড
ঝিনুর মতন একবার ফাঁক হচ্ছে আর একবার বন্ধ হ'য়ে
যাচ্ছে ; ঐযে মেয়ে-কন্দর্প নোকোর ভিতরে অঙ্গ ঢেলে আরাম
করছেন।

শ্রুতকীর্তি ॥ আর মেয়ে-কন্দর্পে কাজ নেই,.....চল, আমাদের
চিরকালে কন্দর্পকে ফুল দিয়ে আসি।

নকুলিকা ॥ দর্প তা হ'লে টিকল না !

[প্রস্থান

ধূপের ধোঁয়ায়

[ঝিলে নোকোর গুণ টান্তে টান্তে যবনীদেব প্রবেশ]

যবনীর দল ॥

(গান)

নীল সিন্ধুর সিত পঙ্কজিনী !
জয় ! জয় ! জয় দেবী আফ্রোজিনী ।
শুভ্রির অঙ্কে সুপ্তিহরা !
ভৃপ্তির গর্ভে তৃষ্ণা-ভরা !
যৌবন-ধাত্রী গো গৌরবিনী !
ক্ষুণ্ণির যাত্রিনী আফ্রোজিনী !
দেবরাজ-পুত্রিকা মূর্ত্তপ্রীতি !
সুন্দরী ! শুকতারার ! আফ্রোদিতি !
চির-প্রেমপাত্রী গো সাম্মোহিনী !
মনোভব-মাতৃকা ! আফ্রোজিনী !

[প্রস্থান

[অন্ত নোকায় কয়েকজন তরুণীর প্রবেশ]

প্রথমা ॥ এগিয়ে গেল.....দাসীদের নোকো এগিয়ে গেল !.....

আম্পদ্বী !জোরে বাও জোরে বাও !

দ্বিতীয়া ॥ আজ উৎসবের দিনকন্দর্পের দরবারে সবাই

সমান যাক্গে এগিয়ে আভিজাত্যের দর্প আজ

ধূপের ধোঁয়ায়

করতে নেই ..চল না, দিবি আস্তে আস্তে গাইতে গাইতে
.....বাইতে বাইতে যাওয়া যাবে,.....আমোদ নিয়ে কথা !

সকলে ॥

(গান)

যদি কুসুম শরে হৃদয় বেঁধে

তবে কেঁদনা,

ও যে, ফুলের সুখ-পরশ মাঝে

মুছে বেদনা !

ও যে, দিনের দাহে কুঞ্জ-ছায়ে

স্বপ্ন আনে বিভোল বায়ে

ঘুমের শেষে আলোর দেশে

আধ-চেতনা !

[বাইতে বাইতে প্রস্থান

[কয়েকজন তরুণীর প্রবেশ]

প্রথম ॥ এই, আজ দোল খেতে হবে.....দোল খেতে হবে

(দোলায় উঠে).....একটু তুলিয়ে দে না ভাই

আমি আবার তোর বেলায় দেব'খুনি ; নে, না ।

দ্বিতীয়া ॥ আচ্ছা, নে, গান ধর

(গান)

তুলিয়ে দোলা তুলিয়ে দে !

তুলিয়াতে আজ নতুন হাওয়া

ভুলিয়েছে মন ভুলিয়েছে !

শাখায় শাখায় আমার মুকুল,
পারুল, চাঁপা, অশোক, বকুল—

ভুলছে দোহুল আকুল হাওয়ায়
ভোম্‌রা ফেরে পায় সেধে !

(আজ) কোকিল ডাকে নতুন স্বরে,
নতুন ফোটে নতুন ঝরে,
নতুন ছবি অঁখির 'পরে
জাগল মোহন ফাঁদ ফেঁদে !

[প্রস্থান]

[নকুলিকা ও শ্রুতকীর্তির পুনঃপ্রবেশ]

নকুলিকা ॥ (একহাতে তালি দেওয়ার ভঙ্গী ক'রে) বাঃ !
বাঃ ! বাঃ !

শ্রুতকীর্তি ॥ নকুলিকা ! ও আবার কি ? তোর কি সবই
অদ্ভুত ?

নকুলিকা ॥ একহাতে তালি দিয়ে একটু নতুন রকম ফুর্তির
চেষ্টায় আছি !

শ্রুতকীর্তি ॥ তা কখনো হয় ?.....সব বিটকেল.....

নকুলিকা ॥ আজ কিন্তু দেখছি সবাই ঐ চেষ্টাই করছে !.....
এরা দেখেও শিখছে না.....ঠেকেও শিখছে না.....আমি

ধূপের ধোঁয়ায়

এই ঠেকে শিখ্‌লুম.....দেখ্‌লুম একহাতে তালি-বাজানো
সুবিধে হয় না।

(গান)

তালি বাজ্‌ল না সই, এক হাতে কই বাজ্‌ল না !

নাচতে গেলাম এক পায়ে, তাও সাজ্‌ল না !

শ্রুতকীর্তি ॥ তুই বড় বাড়িয়েছিস্ ।

নকুলিকা ॥ (সুরে)

বলছে সবাই বাড়াবাড়ি

শুক-শারীতে আড়াআড়ি,

তেল ঢেলে আর ফল কি, বলো, রাধাই যখন নাচ্‌ল না।

[প্রস্থান

দ্বিতীয় দৃশ্য

[হাওয়া-মঞ্জিল, সময় অপরাহ্ন, অন্তমনস্কভাবে উন্মিলার প্রবেশ।]

নেপথ্যে ॥ (গান)

বইল না রে জীবন

এ আর বইল না !

যারি পরে ভরসা

শেষে সেই দেখি ভর সইল না !

ধূপের ধোঁয়ায়

না দেখি আর কূল পাথারে
শক্তি যে নাই সাঁতারে,
ভেরে এল অঙ্গ

ভরা ডুবল বুঝি রইল না !

উন্মিলা ॥ বিহঙ্গিকা ! বিহঙ্গিকা !.....এ সঙ্গীত তুই কোথায়
পেলি . . . আমার কুণ্ঠিত অন্তরের অক্ষুট হাহাকার সুরের
ইন্দ্রজালে কি ক'রে ফুটিয়ে তুল্লি ! বিহঙ্গিকা !.....কই
বিহঙ্গিকা তো এখানে নেই !.....কে গাইলে ?.....বেলা
প'ড়ে আসছে.....পড়ন্ত রোদদূরে ঝরা বকুলগুলো শুকিয়ে
কুঁকড়ে যাচ্ছে,.....আমার মনের ভিতরটাও অমনি শুকিয়ে
যাচ্ছে.....ঠিক অমনি কুঁকড়ে যাচ্ছে.. . . ছতাসের হাওয়া
বইছে.....আর যে পারছি না, আর যে সহিছে না.....
কি কল্লুম,কি হ'ল ; বিধাতা !.....যে দুর্বল.....
তার পায়ে পায়ে অপরাধ.....পদে পদে আতঙ্ক.....সে
কেবল কাঁদতেই জন্মেছে !

(চোক ঢেকে নীরবে ক্রন্দন)

[সীতার প্রবেশ]

সীতা ॥ উন্মিলা !.....ছি বোন্.....শুধু শুধু চোখের জল ফেলতে
নেই.....ওতে অমঙ্গলকে ডেকে আনা হয় ।..... দুর্দিন
আসবার আগেই তুই যে আতঙ্কে শুকিয়ে যেতে বসেছিস্,

ধূপের ধোঁয়ায়

..... কপালে দীর্ঘ বিচ্ছেদ থাকে.....তা কি তুই চোখের
জল দিয়ে ঝর করতে পারবি ?

উন্মিলা ॥ না দিদি, আমি তো কাঁদিনি.....কে গান গাইছিল,
... সেই গান শুনে, মনটা কেমন যেন উদাস হ'য়ে গেল ;
... গানের সুর শুনলে আমার প্রাণের ভিতরটা কেমন
আকুলি-বিকুলি করতে থাকে.....চোখ ছল-ছলিয়ে আসে
.....ও কিছু নয় !

সীতা ॥ আমাকে ভোলানি, বোন,..... ধূমকেতুর ধোঁয়ায়
এখনো তোর মনটা বোলাটে হ'য়ে রয়েছে ! প্রাণের ভিতর
যার কারার মেঘ গম্ভীরে আছে, গানের হাওয়ায় তারি
বাদলা নামে । সহজ হ'য়ে নে..... সহজ হ'য়ে নে ;.....
গ্রহ-তারা ফলের সূচক মাত্র..... ধূমকেতু বলছে তোমার
আমার চলবার পথে বিস্তর বিঘ্ন আছে !.....কিন্তু সেট
বিপদে যে ডুব তা কে বললে ?.....ধূমকেতু ব'লে গেল,
বত্ৰা আসবে, বাঁধের মাটি আলগা, সাবধান ! এমন
অবস্থায়, লোক বাঁধের গোড়ায় নতুন ক'রে মাটি ছায়,
না চোখের জল ঢেলে বত্ৰার আগেই বাঁধ ধ্বসিয়ে ছায় ?
.....কি করে ?.....বল দেখি !

উন্মিলা ॥ যার বাঁধ দেবার শক্তি আছে সে বাঁধ ছায়, যার নেই
সে কাঁদতেই বসে ।

সীতা ॥ তোর শক্তি নেই কি ক'রে জানলি ?

উন্মিলা ॥ নিজের শক্তি নিজে জানিনে ?

সীতা ॥ না, জানিস্নে,তুই কেন,.....কেউ জানেনা,.....
ঘাড়ে বোঝা না চাপলে ঘাড়ের যে কতটা জোর তা পরীক্ষা
হয় না ;বিপদ ঘাড়ে এসে পড়লে মানুষ অসাধ্য সাধন
করে ;.... . মানুষের শক্তির সীমা নেই ।

[দাসীর প্রবেশ]

দাসী ॥ ছোটো কত্ৰী আপনাদের কাছে নিবেদন করছেন,.....
কামরূপ থেকে একজন ভাগমতী এসেছে ।

সীতা ॥ কোথায় ?

দাসী ॥ এই মেয়ে-মহলের অঙ্গনে ।

সীতা ॥ চল্ উন্মিলা ভাগমতীর খেলা দেখিগে ।

উন্মিলা ॥ চ—লো ।

[প্রস্থান]

তৃতীয় দৃশ্য

[মেয়ে-মহলের অঙ্গন । দূরে দস্তুর প্রাচীর ; চারিদিকে বেলে-
পাথরের ঘর ; সোনার জাল-অঁটা ঝরোকা ; নাগদন্তের ভরুনাম জালির
বারাণ্ডা । সখীর দল ; সিংহ-পীঠিকায় মাণ্ডবী, শ্রুতকীর্তি ; পাদপীঠিকায়
বিহঙ্গিকা, কুরঙ্গিকা ; মাটিতে ভাগমতী । ভাগমতীর উবু খোঁপা, পরনে
নীলাম্বরী, গাছ-কোমর করে বাঁধা । এক হাতে আস্ত শাঁখের শাঁখা,

ধূপের ধোঁয়ায়

এক হাতে একটা গাছের শিকড় কঙ্কণের আকারে জড়ানো। এক কাণে কড়ি, আর-এক কাণে আধ-কপালে সুপারি। হাতে ময়ূরপুচ্ছের চামর। সামনে একটা আধ-খোলা বেতের ঝাঁপি। একটা শূণ্য খাঁচা ও একটা রঙীন হাঁড়ি।]

ভাগমতী ॥ লাগ্ ভেল্কী লাগ্, জলে জ্বলাই আগ্, লাগ্ ভেল্কি লাগ্! লাগ্ লাগ্ লাগ্!

(গান)

আস্মানে শিকলি লটকিয়ে দোল্ খাই,
গাছ রুয়ে সাঁজো ফল ফলাই,
শূন্যে পিঁজরাতে পাপিয়া ময়নায়
সির্জিয়ে হরেক বোল্ বলাই !

মাগুবী ॥ বটে ! তবে তো খুব গুণিন্ দেখ্ছি !.... আর কিছু দেখাতে পারো ?

ভাগমতী ॥

(গান)

কেউটিয়া গোখরো মুখ থেকে নিকলাই,
ইসারায় হয় মোর ফুল বিষ্টি !
নখের আয়নাতে ছুনিয়াটা উজ্জ্বলাই,
মন্তরে তারা চাঁদ ছিষ্টি !

মাণ্ডবী ॥ তুমি নথ-দর্পণ জানো ?

ভাগমতী ॥ জানি কিছু-মিছ !

শ্রুতকীর্তি ॥ আচ্ছা দেখাও ।

[একদিক দিয়ে সীতা, উন্মিলা ও অন্তরিক দিয়ে
নকুলিকার প্রবেশ]

মাণ্ডবী ॥ এই যে, দিদি,.....এস,.....এখানে নথ-দর্পণ হচ্ছে ।

সীতা ॥ (বসতে বসতে) ভাগমতীকে ডাকলে কে ? শ্রুতি

বুঝি ? মেয়েদের সব কেরামতি এক দিনেই দেখে ফেলতে

হয় বুঝি ?

মাণ্ডবী ॥ না কেউ ডাকায়-নি,.....আপনি জুটেছে !

ভাগমতী ॥

তিন তুড়ি তিন ফুঁক !

দিই কুক্ কাঁপে বুক

ধুকপুক.....ধুকপুক !

ঝক্ ঝক্ করে নথ !

এই ণাথ্ কার মুখ !

নকুলিকা ॥ দেখি ! দেখি ! বাঃ আশ্চর্য্য !.....যুবরাজ রামচন্দ্র !

ভাগমতী ॥

দিই ফুঁক্ কাঁপে বুক !

ঝক্ ঝক্ করে নথ !

চেয়ে ণাথ্ কার মুখ !

ধূপের ধোঁয়ায়

সীতা ॥ আশ্চর্য্য.....দেবর লক্ষ্মণ !.....বাঃ, চোখ না পাল্টাতেই
বদলে গেল ! বাঃ.....এ কে ?.....বাঃ—এ যে দেবর
ভরত !

উন্মিলা । আবার বদলাচ্ছে.....এবার শ্রুতি ভালো ক'রে
ঢাখ্.....কে !

মাণ্ডবী ॥ এ বর.....শ্রুতকীর্তির !

সখীর দল ॥ ঢাখোগা !.....হ্যাঁগা.....ওগো.....অ ভাগমতী !
.....বলি থামো না,.....সবাই মিলে.....ওগো !

মাণ্ডবী ॥ আহা সবাই মিলে কি কলরব হচ্ছে ?.....আচ্ছা
ভাগমতী, নখদর্পণে ঘাঁদের ঢাখালে, তাঁরা এখন.....এই
মুহূর্ত্তে কোথায় আছেন, কি করছেন, তা তোমার বিচার
বলে ঢাখাতে পারো ?

ভাগমতী ॥ (হেসে) পারি কিছু কিছু !আয়, আয় চলে
আয়, কে যায়, কে যায় ? পূবদিকে কে যায় ?... ..
ঐরাবতে ইন্দির যায়... ..হাজার চক্রে কটমট্ চায়, চোখে
দেখিস্, না, নখে দেখিস্ ?.....নখেও দেখি, চোখেও
দেখি !.....ঠিক বল্ছিন্ তো ?..... হাঁ গুরু হাঁ,.....ঠিক
বল্ছি,.....হাঁ তাই বল্,আর, না দেখিস্ তো চশ্মা
নে,.....মনের ছবি আস্‌মানে !.....ইন্দির যায় ! ইন্দির
যায় ! পূবদিকে আর কে যায় ?.....বঙ্গ মগধের রাজা
যায়.....

ধূপের ধোঁয়ায়

“মাথাতে যার বরুণছত্র, সমুদ্র যার সেনা ।

মীণাঙ্ক যার ঝাণ্ডা নিশান, কড়ির লেনা দেনা ॥”

সকলে ॥ চমৎকার ! চমৎকার !

ভাগমতী ॥ নাঃ পূবদিকে নেই ! পশ্চিম দিকে কে যায় ? মকর-
বাহন বরুণ যায় ! অথই জলে দিক ভোলায় ! সঁতার
জলে ফুল ছড়ায় ! পাথার জলে জাল জড়ায় । আর কে
যায়.....সিন্ধু-সুরাটের রাজা যায়,

ঘোড়ায় চ’ড়ে হেলার ভরে,

সিংহ হাতী শিকার করে ।

শূলের আগায় হুনের মাথা

শকের সকল দর্প হরে ॥

চোখে দেখছি না নখে দেখছি ?.....নখের কল্যাণে
চোখেই দেখছি !

সকলে ॥ আশ্চর্য্য ! আশ্চর্য্য !

ভাগমতী ॥ নাঃ এদিকেও নেই !... ..দক্ষিণদিকে কে যায় ?.....

মহিষবাহন যম যায় ! যমের ভাই নিয়ম যায়.....যমদূতেরা

চোখ পাকায় !.....আর কে যায়, লঙ্কার রাজা রাবণ

যায়.....

“বড়বা-মুখ যজ্ঞকুণ্ডে

শত্রুমুণ্ড ঝায় আহতি ।

ধূপের ধোঁয়ায়

দশটা মাথা, বিশটা ফন্দী,
লাথের উপর নাতি পুতি ॥”

সকলে ॥ এই রাবণ !.....ভয়ঙ্কর মূর্তি !কি ভীষণ !

ভাগমতী ॥ নাঃ এদিকেও নেই !..... বাকী আছে উত্তর,.....
উত্তর দাও উত্তর দিক ! যা’ দেখাবে ঠিক ঠিক ! উত্তর
দিকে কে যায় ?মানুষের কাঁধে কুবের যায়, সোনার
গুঁড়ো উড়িয়ে যায় !... ..সোনার কুম্ভো গড়িয়ে যায় !
.....আর কে যায়, সিদ্ধপুরের রাজা যায়,.....

“সোনাপোকার পেট টিপে যে
বার ক’রে ছায় সোনা ।
ধ্বজাতে যার সপ্তচামর
হাওয়ায় আনাগোনা ॥”

নাঃ এদিকেও নেই !

সকলে ॥ (সভয়ে) সে কি !.....

মাণ্ডবী ॥ সে কি ?.....কোথাও নেই কি ? ভালো ক’রে চাখ
.....ভালো ক’রে চাখ !

ভাগমতী ॥ নখেও দেখ্‌লুম, চোখেও দেখ্‌লুম, লোকেও দেখ্‌লে,
আমিও দেখ্‌লুম, সিদ্ধপুরে নেই, যম-কোটিতে নেই, লঙ্কায়
নেই, কোথাও নেই !.....বায়ুকোণে বায়ু বল্লেন ওড়াই-
নি,... ..অগ্নিকোণে অগ্নি বল্লেন পোড়াইনি ; ঈশানের
জট খালি, নৈঋতের কোল খালি !

শ্রুতকীর্তি ॥ কী বক্ছভালো ক'রে ঢাখ—

ভাগমতী ॥ ফের তুড়ি ফের ফুঁক !

ধুকপুক—ধুকপুক ॥

নয়, তিন, তিন এক ।

দূরে নেই কাছে ঢাখ ॥

পায়ের তলায় চাতাল দেখি, চাতালের তলে পাতাল দেখি !

পাতালে দেখি বাসুকি ।

সুধার ভাণ্ড কোলে ক'রে

নাগ বাসুকী অসুখী ॥

হাজার মাথা নেড়ে বলছেন, হেথায় নেই, হেথায় নেই,
হেথায় নেই !.....তবে কোথায় ?

নয়ে তিন তিনে এক,

মাথার উপর চেয়ে ঢাখ ;

মাথার উপর কি দেখি ? অরুণ-রথে সূর্য্যিকে দেখি ।—

সূর্য্যি মামা, সূর্য্যি মামা, মাথা খাও ! সূর্য্যি বংশের চুড়া
দেখাও !

সূর্য্যি বল্লেন ইশারায়,

ইশারায় দিশা পাই !

কি দেখিরে কি দেখি,

সূর্য্যি-বংশের চার চুড়া চার ভাইকে দেখি !

—সরযুর তীরে সন্ধ্যাইকে দেখি,—কিন্তু—

ধূপের ধোঁয়ায়

চার জনকেই ঘেরাও ক'রে,
দিচ্ছে হাঁকার বুনোর দল !
কোশল রাজ্য উঠছে কৈপে,
এমনি বিষম কোলাহল ।

মাগুবী ॥ ভাগমতী ! এ তোমার কী ভাগ ?

ভাগমতী ॥ (নিজের মনে) চোখে দেখিস্ ?.....না নখে দেখিস্ ?
.....গুরুর দয়ার চোখেও দেখি, নখেও দেখি,.....ঠিক
দেখ্ছিচ্ছি ? হাঁ গুরু—হাঁ ! গুরু বলছেন, না দেখিস্ তো
চস্মা নে.....মনের ছবি আস্মানে ।

শ্রুতকীর্তি ॥ একে ছেড়ে না !.....নকুলিকা !.....যবনো শাস্ত্রীকে
ডাক,.....এ বোধ হয়.....বুনোদের চর,.....শত্রুর চর,
আমি আসছি.....ছেড়ে না !.....

ভাগমতী ॥ (অটুহাস্য) হাঃ—হাঃ—হাঃ—হাঃ—হাঃ—হাঃ !

[হাসির ধমকে সকলে চোখে অন্ধকার দেখতে লাগল ;
সমস্ত গোলমাল হ'য়ে গেল, এষ্ট সুযোগে ভাগমতীর
প্রস্থান ।

চতুর্থ দৃশ্য

[প্রাসাদ শিখর ; শতশ্রী-সজ্জিত গ্রহরা-গুম্বজ ; চুড়ায় চুড়ায় সোনার কলস । শবরীর দেওয়া পায়রা বুকেব ভিতর ক'রে নিয়ে ঋতকীর্তির প্রবেশ ।]

ঋতকীর্তি ॥ হাজার হাজার পাহাড়ী নগরের দিকে আসছে,.....
সরযূর জল তোলপাড় ক'রে আসছে,.....কী সর্বনাশ !
.....নগরে সৈন্ত নেই,.....সেনাপতি যুবরাজদের সঙ্গে,
.....কী করব ?.....মন্ত্রী-পরিষদে খবর দেব ? তারা
কি খবর পার-নি ?.....চরেরা খবর দায়-নি ?.....
কী করব ?.....সর্বনাশ হ'ল ! দুর্গ-রক্ষার কোনো
আয়োজন নেই, .. . কোনো বন্দোবস্ত নেই,.....যবনী-
শাস্ত্রীদের খবর দেব ? দুর্গে চার-পাঁচ শো মেয়ে আছে
.....তাদের সবাইকে হাতিয়ার দেব ?.....দুর্গের দরজা
বন্ধ ক'রে লড়াই করব ?.....কিন্তু এঁদের চার ভাইকে
যে পাহাড়ীরা ঘেরাও করেছে ! হয়তো বন্দী করেছে ;
.....যুদ্ধ করলে এঁদের যদি অনিষ্ট করে ? বর্ষরগুলো
যদি প্রাণের হানি ঘটায় ?.....কী করব ?.....আর
ভাবতে পারি-নে.....ভাববার সময় নেই.....আংটি বেঁধে
পায়রাটাকে ছেড়ে দিই !.....পায়রা ঠিক পৌঁছোবে তো !

ধূপের ধোঁয়ায়

পায়রা পরখ ক'রে নিই-নি,..... শবরী ঠকায়-নি তো ?

.....ভাববার সময় নেই.....

(পায়রা উড়িয়ে দিলেন)

বাচ্ছে.....বাচ্ছে.....ঐদিকেই যাচ্ছে !

(ব্যগ্রভাবে পায়রার গতি নিরীক্ষণ)

[নকুলিকার প্রবেশ]

নকুলিকা ॥ বাঃ ! সাবাস্ !.....পায়রা পাঠানো হচ্ছে ?.....

এই বুঝি প্রতিজ্ঞা ?

শ্রুতকীর্তি ॥ থাম্ তুই নকুলিকা !.....বিপদের সময় বিজ্ঞপ ভালো
লাগে না ।

নকুলিকা ॥ বিপদ !.....কিসের বিপদ !

শ্রুতকীর্তি ॥ দেখ্ ছিস্-নে ?.....পঞ্চপালের মতন আস্ছে,.....
নগর অরক্ষিত,.....দেখ্ ছিস্-নে ?

নকুলিকা ॥ তুমি পাগল !.....সে ভাবনা তোমার কেন ? যারা
রাজ্যের কর্ণধার, তারা কি ভাব্ছ, সত্যিই স্ত্রীলোকের
হাতে দুর্গ সঁপে নিশ্চিত আছে ?.....কঙ্ককের জায়গায়
কঙ্কলিকা বাহাল করেছে ?.....তুমি ভুল বুঝেছ ;.....
রজ্জুতে তোমার সর্পভ্রম হয়েছে ;.....পাহাড়ীরা দুর্গ লুণ্ঠ
করতে আস্ছে না,.....তুবার-প্লাবনে গরীবদের সর্বস্ব গেছে
.....তাই আশ্রয়ের ভিখারী হ'য়ে ওরা দিগ্বিদিকে বেরিয়ে

ধূপের ধোঁয়ায়

পড়েছে, ... পথে যুবরাজদের সঙ্গে হঠাৎ দেখা,... তাঁদের কাছে দুঃখ জানাতে,.....আশ্রয় দেবেন ব'লে, আশ্বাস দিয়ে, তাঁরাই ওদের সঙ্গে নিয়ে আসছেন। ঐ ভাখো, সূর্য্যবংশের চার চুড়োর চারখানা রথের চুড়োতেই সগৌরবে নিশান উড়ছে।.....

শ্রুতকীর্তি ॥ তুই এত খবর কোথায় পেলি ?

নকুলিকা ॥ নগরের দরজায় পাহাড়ীর দঙ্গল দেখে পাছে নগরের লোক ভয় পায়, তাই তাদের আতঙ্ক নিবারণের জন্তে মন্ত্রী-পরিষদ এইমাত্র ঘোষণা দিয়ে জানিয়েছেন ;.....সেই খবরই তোমায় দিতে আসছিলাম ; আসতে আসতে দেখি, মাত্র চব্বিশ ঘণ্টার বিরহ-যজ্ঞ না পেয়ে.....কাব্যের নায়িকার মতন, সখী আমাদের কপোত-দূত প্রেরণে বাস্তু !

শ্রুতকীর্তি ॥ আমি কি পারি পাঠাতুম,.....ভাণমতীর ভড়ুঙে কথায় আর বর্করদের ভিড় দেখে মনে হ'ল,.....হয়তো ওরা বিপদে পড়েছে !.....তা ওরা সোজানুজি দুর্গে না এসে সরযুর তীরে কি করছে ?

নকুলিকা ॥ তোমরা না ডাকলে ওঁরা দুর্গে ফিরবেন না, বলেছিলেন, বোধ হয়, সেই প্রতিজ্ঞা পালন করছে।এইবার আসবেন.....তোমার কপোত-দূত পৌঁছলেই আসবেন।

শ্রুতকীর্তি ॥ হার হ'ল নকুলিকা, আমাদেরি হার হ'ল !

বুপের ঘোঁষা

নকুলিকা ॥ (হেসে) হারটাকে যদি জিৎ ব'লে প্রমাণ ক'রে
দিতে পারি ?.....কি উপহার দেবে ?

শ্রুতকীর্তি ॥ (মাগ্রহে) যা চাস্ !

নকুলিকা ॥ আচ্ছা, এই কথাতো ?.....তবে শোনো.....একে
একটু সব বলি, প্রথম কথা, তোমার পায়রা যে রাজকুমারের
কাছে ঠিক পৌছবে.....তা কি ক'রে তুমি জান্লে ?.....
শবরী যদি ঠকিয়ে থাকে ?

শ্রুতকীর্তি ॥ আমিও একটু আগে সে কথা ভাবছিলাম ।

নকুলিকা ॥ তবে কি ঠাওরালে ?

শ্রুতকীর্তি ॥ কিছু নাঃ ।

নকুলিকা ॥ পায়রা পৌছবে ।.....

শ্রুতকীর্তি ॥ বলিস্ কি ?.....তা হ'লে.....

নকুলিকা ॥ পৌছবে,.....তার কারণ, তুমি পায়রা বার কাছে
পাঠিয়েছ, শবরীর মারফতে পায়রাটি তিনিই পাঠিয়েছিলেন ।

.....ও চিঠি-বাজ পায়রা, ঠিক পৌছবে !.....আরও
শবর আছে, ভাণমতীও তাঁরই চর ।

শ্রুতকীর্তি ॥ সব বুঝেছি,..... তা হ'লে কৌশলে আমাদের
প্রতিজ্ঞা ভঙ্গ করিয়েছে, ছলে হার মানিয়েছে !

নকুলিকা ॥ জ্বলা ব'লে তাচ্ছিল্য ক'রে বলপ্রকাশ করেনি,
কৌশলে হার মানিয়েছে,.....তুমি এ পরাজয়কে পরাজয়
বলে ক'রে এ কর ?

শ্রুতকীর্তি ॥ না !

নকুলিকা ॥ (হাত পেতে) বক্শিস্ !.....প্রমাণ ক'রে দিয়েছি ।

... যা বলেছিলুম প্রমাণ ক'রে দিয়েছি ।

শ্রুতকীর্তি ॥ তুই সব জান্তিস্ ?

নকুলিকা ॥ না ঠিক জান্তুম না,.....খানিকটা আন্দাজ.....

খানিকটা জানা.....

শ্রুতকীর্তি ॥ অথচ আমায় বলিস্-নি,.....উপহার দেব তোমায় ?

উপহার দেব না গ্রহণ দেব.....

[সীতা, উন্মিলা ও মাণ্ডবীর প্রবেশ]

সীতা ॥ শ্রুতি, খবর পেয়েছিস্ ?

শ্রুতকীর্তি ॥ পেয়েছি ।

মাণ্ডবী ॥ শুধু মন্ত্রী-পরিষদের ঘোষণা নয়, আরো খবর আছে.....

সীতা ॥ মহাদেবী স্মিত্রার কাছে এইমাত্র পত্র এসেছে.....

সম্রাট বশিষ্ঠাশ্রম থেকে নগরের দিকে যাত্রা ক'রেছেন,

.....আজই রাত্রে পৌঁছবেন ।

শ্রুতকীর্তি ॥ অ !

মাণ্ডবী ॥ অ !.....খবরটায় পেট ভরল না,.....তবে ছাখ্,.....

সম্রাটের চিঠি.....(চিঠি দিলেন).....এইখানটা পড়ে

ছাখ্.....

ধূপের ধোঁয়ায়

শ্রুতকীর্তি ॥ (পাঠ) পরে মহর্ষি বলিলেন, যে, যে পাপের
বান্ধীকি নিষাদকে অভিসম্পাৎ দিয়াছিলেন, তাবিয়া দেখি-
লাম, আমি কিয়ৎ পরিমাণে সেই পাপের ভাগী হইতে
বসিয়াছি। সময় থাকিতে সে পাপের প্রায়শ্চিত্তের
প্রয়োজন। অতএব শ্রীমান্ ও শ্রীমতী বধু-মাতাদের গ্রহ-
শান্তির জন্ত পূর্বে যে ব্যবস্থা দিয়াছিলাম, মদন-মহোৎসবের
রাত্রে তাহা রহিত করিতে চাই। বিরহ-দুঃখ উভয় পক্ষই
ইতিমধ্যে অল্পবিস্তর ভোগ করিয়াছেন। অলন্ অবি-
বিস্তরেণ। ফল হইবার হয় উহাতেই হইবে। ইতি

মাণ্ডবী ॥ ওঃ ! একটা দিনের মধ্যেকত কাণ্ড, কত বিভ্রাট,
.....কী তুলসী !... ..কিন্তু শ্রুতি ! .. তুই মাঝে থেকে
কি কাণ্ড করলি বল দেখি !

সীতা ॥ সে কথা আর তুলিস্-নি, বোন,...

উন্মীলা ॥ যেতে দাও.....যেতে দাও.....ছেলে মানুষ.....

নকুলিকা ॥ ও কিছু নয়,.....একে এই দারুণ গরম.....তার
ওপর নতুন বিরহ, .. তার ওপর ধূপের ধোঁয়া.....
একেবারে তেরস্পর্শ !.....এতে মাথাটা একটু বেঠিক
হবারই কথা। ঠিক থাকাই বিচিত্র।

সকলে ॥ ও কিছু নয়.....ও কিছু নয়.....

ধূপের ধোঁয়ায়
৷

[নীচের তলায় শঙ্খ, ঝারি, চন্দন-মালা প্রভৃতি
নিরে সখীর দলের প্রবেশ]

সখীর দল ॥

(গান)

কিছু নয়, ধূপের ধোঁয়ায় হঠাৎ কেমন
মাথাটা গেছল ধ'রে !
মনে হয়, স্বপ্ন যেন চক্ষু মেলে
দেখেছি দিন দু'পরে !
কলহ দম্পতীর এই, দোষ কিছু নেই,
সবারি ঘটে এমন,
বিরহ বিদ্রোহী হয়, জ্বলে হৃদয়,
গোপনে গলে নয়ন !
খেয়ালে দেয়াল তুলে মনের ভুলে
মিছে রই মুখ ফিরায়ে,
শেষে ঠিক মেঘ কেটে যায়, চাঁদ হেসে চায়
নীরবে মন ভিড়ায় !

মুপের খোয়ার

শারীশ্রুত পুরুষ নারী দুই দৌহারি

আড়াআড়ি মোহের ঘোরে

হ'য়ে রয় হাসির কথা দ্বন্দ্ব-ব্যথা

চোখের জলে মুক্তা কোরে ॥

যবনিকা

